



安徽通志

ル 5  
1575  
69



凡品 85  
1875  
69

重修安徽通志卷二百五

人物志

忠節 四

徽州府

程慎思字春林婺源人湖北從九品咸豐二年武昌省城陷全

家殉難奉

旨賜卹 婺源縣志  
以下新修

雲門字吉予一字菊仙休甯人道光癸未進士署武義知縣  
務以德教化民補雲和憂歸服闋揀發湖北補天門調崇陽領  
兵禦鍾人傑之亂解散脅從籌辦善後興學訓俗民情大洽歷  
黃岡隨州修城垣均糧賦練民團拯水患升荆門直隸州知州  
併保舉案引

見召對二次授安陸知府防通城復蒲圻署武昌府兼攝糧道護按察司印廣濟民變調黃州撫定之咸豐三年秋賊由金陵上犯黃州僅兵百餘城陷賦詩二章殺賊數人赴井死

贈太僕寺卿祀昭忠祭葬如例世襲雲騎尉同治二年賜諡果毅建專祠妻汪氏女二人以殉烈附祀

休甯縣志

俞恩綸字南屏俞恩綬字瘦珊並婺源人江甯廩生咸豐三年金陵陷闔門投河死恩綬子生彌月絀木未沈遇救得免婺源縣志程占魁字景山黟縣人以武副榜隸撫標拔補千總咸豐三年安慶陷賊撲集賢關占魁衝殺中礮陣亡奉

旨祀祠世襲雲騎尉子世恩襲黟縣志李兆奎歙縣武舉安慶營千總調防湖北湖南迭受重傷復隨官軍收復皖省帶兵守小南門粵逆上竄力戰陣亡

恩卹祭葬祀祠世襲雲騎尉歙縣志

王國華黟縣人署沛縣典史咸豐三年檄解軍火赴徐州遇害

黟縣志

詹廣輝詹亦嘉並婺源人在廬州供給巡撫江忠烈軍城陷死之婺源縣志

汪殿鼇字策六祁門武生江甯城北頭司把總咸豐三年署和州城守營把總髮逆犯和州城陷合家死之祁門縣志

謝豐昇字子成祁門人兩淮鹽經歷咸豐三年巡守揚州府城死難世襲雲騎尉子象鏞字笙儔江蘇縣丞同治二年福山陣亡

贈鑾儀衛經歷銜世襲雲騎尉祁門縣志

余裕祖字似亭休甯人湖北藩經歷署江夏縣丞省城再陷被

害世襲雲騎尉休甯縣志

戴鴻藻字燧升婺源人湖北從九品咸豐四年帶勇巡防省城

及陷巷戰死之世襲雲騎尉婺源縣志

金上珍字效川休甯舉人任舒城訓導保舉知縣咸豐四年帶

勇堵賊下七里河舒城陷集眾往剿眾潰被執不屈死世襲雲

騎尉休甯縣志

黃兆奎歙縣舉人湖北知縣巡守武昌省城殉難祀昭忠祠世

襲雲騎尉歙縣志

饒本良字子善祁門副貢咸豐初團練丁壯四年帶隊守小西

門城陷被執與子文生際榮同罵賊死之奉

旨卹銀祀昭忠祠建坊祁門縣志

謝瑩字潤山祁門文生咸豐四年同子載坊姪文輝等一門殉

難又張本培張本崇張本法張本宜張清道等七人汪起雨等

三人並一門殉難均各建專祠坊祁門縣志

汪杰余祥郎筠並婺源人從九銜咸豐五年帶勇禦賊陣亡同

死者胡士杰汪汝清等三十四人杰祥俱世襲恩騎尉筠

贈鹽知事銜廕子主簿婺源縣志

鄭大榮字紹先歙縣人候選鹽大使咸豐五年帶團隨官軍剿

賊殉難世襲雲騎尉歙縣志

汪立貴歙縣人六品軍功從九銜咸豐五年檄援休甯首先衝

鋒死之歙縣志

方建國章名輝並績溪人咸豐五年帶練援夥戰羊棧嶺與高

洪度程元寶等二十五人均陣亡績溪縣志

孫日萱字春叔休甯人道光丙戌進士授編修歷官鴻臚寺卿

緣事褫職咸豐初起復原官以目疾歸時粵逆蔓延日壹儲穀  
募勇為守禦計五年二月賊由黟縣大至練勇潰日壹受重傷  
與監生潘昌椿項凌霄武生夏鼎死之

恩卹祭葬世襲雲騎尉休甯縣志

楊大容字心奮休甯人道光甲辰進士用知縣改太平府教授  
告歸先是籌辦海疆經費得

旨嘉獎及是粵逆竄踞浮梁大容議助祁門軍餉協剿以固外防集勇  
分扼各嶺咸豐五年二月賊撲縣城大容率勇拒戰眾潰死之

恩卹祭葬世襲雲騎尉是年監生程仁釗及鄉勇張祥等六人均禦賊

死休甯縣志  
胡浚字深如黟縣諸生咸豐五年黟陷賊劫浚去浚怒罵且曰

我

大清秀才胡先生也豈從汝悖逆者奪大槌且罵且擊傷數賊槌  
折力盡死賊歎息曰胡先生真

大清秀才也事聞奉

旨旌卹祀昭忠祠黟縣志

吳正貞字堅之黟縣人孤峭耽詩善墨竹咸豐五年賊掠六都  
至正貞家正貞坐樓上以硯擊賊賊怒裂其腦罵不絕口死黟縣志

汪必琪字馥堂黟縣人八品

封典咸豐五年粵賊野掠至嶺下必琪屢率眾擊卻之又襲賊於二都

五月扼隘督戰中創死州同李肇榜從九品程尙述汪佛松未  
入江翊清並陣亡均世襲雲騎尉黟縣志

俞大望名懋年黟縣人家貧從族人執炊為賊所略脅為卒長

不肯則褫其衣大望大呼曰我衣亦不肯從賊以掌批賊而死  
入祀昭忠祠後以子時敏從九品

贈登仕佐郎

彰縣志

金觀海彰縣人汪必琪死難之役觀海同父肇元兄殿鏞扼賊  
嶺下觀海被創死韓起福與賊互刃抱持並死黃榮義胡烈堂  
吳日如汪承基力戰死共陣亡者百四十三人又汪學林督團  
蓬廈村口堵剿亦被創死從死者江滿堂等十二人又附生余  
良粹在十都督團殺賊陣亡從死者余榮林等四十一人  
謝高連彰縣人咸豐五年一門七人陣亡又謝永吉鄭灶發並  
於是年闔門殉難

彰縣志

馬文材葉俊卿王正高康吉樂康訖康高也康朝瑞鄭道洽貢  
生康玉麟王應稜王朝元從九品康眺俱祁門人先後充當團

長殉難

祁門縣志

王仕相王學謨王師詞王天意王仕鈺王仕銛從九品王應元

王修耀附貢生陳徵祥俱祁門人先後董辦團練殉難

祁門縣志

吳誦芬字蘭府祁門舉人湖南知縣署潑浦龍山清釐積案振  
興書院綏靖苗民改蕪湖教諭勤於訓迪著有五經精義蕊香  
文鈔咸豐五年在籍帶團剿賊殉難祀昭忠祠世襲雲騎尉

祁門縣志

王應綉祁門監生成豐六年率眾堵賊被害

祁門縣志

張葆蕓字桐江休甯貢生就職直隸州州判咸豐六年秋督勇  
堵賊傷亡世襲雲騎尉同時有未入流楊榮光及鄉勇汪尙餘  
等四十人並戰歿是年春監生程懋恩曹元振文生葉邦本軍  
功葉星若及程善程仁程連余永洲汪兆祥並禦賊死吳德權

率勇吳作舟等三十五人均陣亡

休甯縣志

滕運定俞承碧俞遠森俞德超武生郎森桂並婺源人咸豐六年帶團禦賊均死之又監生王東照殺賊死監生王鳳衢隨官

軍遇伏陣亡

婺源縣志  
兩江忠義錄

程承芳字信卿婺源人朔平府經歷改廣東解廣西軍餉雷梧州拏獲逆首陳亞晚等隨剿藤縣陣亡奉

旨例卹

婺源縣志

李松字友梅休甯人都司銜捐資募勇首倡團練咸豐七年賊犯休甯松率勇奮擊殺賊甚夥嗣以人少被圍力竭受創死奉

旨優卹世襲雲騎尉

休甯縣志

余銓桂字香嶼婺源廩生成豐七年同貢生余志煌帶勇禦賊平鼻嶺又八品潘開驥詹事主簿銜程必達貢生程昌言從九

潘麟帶勇禦賊銀鞍嶺均死之俱世襲雲騎尉又監生吳山在樟樹亭董培桂齊彥璞董培仁在高楓渡武生吳平泰在石碇武生郎南桂軍功汪富程令喜在孔村庠生汪南圭監生汪鳳泉在裔村從九李振煌在松山王讓德在源阮俞觀榮俞祥祿胡大順汪社驥在新嶺汪賢發潘德祖在雙溪口從九俞萬煌在雙槎胡鳳桂在江家橋俱帶勇禦賊陣亡平鼻嶺之役余元亨及余元保余益富等二十六人銀鞍嶺之役監生程淦潘光裕潘廷珪潘開熾江勝祥及程汾潘仲怡等二百四十七人高楓渡之役汪祥勝等百三十五人石碇之役張順祥等十六人孔村之役戴三喜等八十八人源阮之役王肇翔等五十人皆從死

婺源縣志

洪宜禮婺源人從九銜咸豐七年會同官軍剿賊婺城陣亡世

襲雲騎尉同死者軍功俞松林施斗施奇壽暨洪亮華等六十  
九人又汪文涌金殿輝等四十三人戰於曹門皆死是年庠生  
王昌寅程藜照從九品俞隆榛及韓榮豹方興堂等均集勇禦  
賊死軍功蔡天福俞汝煌以義勇戰死董文登王兆悅胡年富  
等十二人在清華街夏瑞凱等三人在郭村均隨官軍剿賊陣

亡婺源縣志

王濟和祁門人六品軍功同姪八品軍功帶團殺賊陣亡又康  
詒康成書金鳴鳳金長春金可光鄭正典俱八品軍功督團禦  
賊陣亡祁門縣志

舒夢祥黟縣人從汀漳龍道徐榮復建德給六品軍功累保都  
司守烏泥關陣亡入祀昭忠祠黟縣志

汪應臺字列三休甯庠生成豐七年夏同從九品汪文彬及李

作鏞等率勇拒賊桐梓嶺斬殺多名力竭均死應臺

恩卹葬銀文彬廕子雲騎尉又監生朱鼎榮朱志駿亦於是年帶勇禦

賊迴嶺殉難休甯縣志

韓福彪黟縣人咸豐七年同汪緒前楊修來楊紹唐章道生柯  
功烈儲龍法等約集徽人自成一隊禦髮賊於湖田力戰陣亡

潛山縣志

胡顏春字禦雲婺源監生成豐八年帶勇隨官軍攻城乘勝深  
入死之世襲雲騎尉是年監生王丙照在曉秋口戴榮鍾同監  
生戴煥光等一百九人在羊嶺程太程順德等十二人在西阮  
嶺王百全同軍功查時發俞國正等二十一人在高砂武生王  
兆武在隘口潘春秀李根蟠張們王彝倫在黃家尖李滋裕李  
贊襄在龍山吳一清在洙坦王根富等十八人在理田軍功俞



觀元在船槽嶺俱陣亡婺源縣志

林端秀字開科黟縣人從朱雲書在皖南鎮營剿婺源等處給

六品軍功咸豐八年崇覺寺陣亡照行伍議卹黟縣志

康濟寬字和猛從九品康大麟字汝玉貢生俱祁門人自咸豐

五年團練帶勇擒斬髮賊屢立戰功九年二月轉戰到湖等處

力竭陣亡邑人悼惜之呈請

旌卹祁門縣志

朱秋九朱金龍俱黟縣人咸豐九年在景德鎮集團助剿陣亡

又程永樑亦於是年在浮梁打仗陣亡黟縣志

周懋順績溪人咸豐九年同族弟懋春集勇禦賊死兩江忠義錄

余步瀛字海門黟縣武舉署池州營千總累保守備咸豐十年

從周天受剿賊甯國府率子金祿突圍殺賊同死於陣黟縣志

宋夢蘭字滋九歙縣人咸豐癸丑進士授編修以憂歸時張芾

治兵徽郡郡人染花鏡蠱之害夢蘭設立條約請張芾立除之

咸豐十年春固守翁嶺賊不能進以功升侍講隨奉

命督辦團練十一年二月率練克休甯進規府城受傷卒

贈四品卿銜祀昭忠祠世襲雲騎尉兄修培姪維清禮鐸並先後殉難

歙縣志

程葆字震伯歙縣人道光癸巳進士由工部郎中授廣東肇慶

知府畱辦浙防咸豐五年夏克復休甯升道遂畱徽防與張芾

共事屢著戰功十年春浙撫羅遵殿調商軍務城陷自縊妻夏

女淑儀姪士鑑均死之

恩卹祭葬祀昭忠祠世襲雲騎尉歙縣志

方允鑾字印生歙縣人道光庚子進士刑科給事中憂歸府城

陷絕食殉難

贈太僕寺卿蔭子以知縣用又舉人黃學洙聞警亦絕粒死歙縣志

鮑鍾銓歙縣舉人候選知縣咸豐十年帶勇隨官軍禦賊陣亡同時死事者附生鮑明璆等十四人

贈鍾銓知府銜明璆鹽知事銜俱廕子入監又是年督團擊賊死者鹽

知事銜汪士熙理問銜汪士勳汪士然訓導汪遇壩兵馬司指揮銜程定生主簿程廷璧從九品吳承謙俱世襲雲騎尉鹽知事銜汪景卿

贈布政司都事廕子入監太常寺博士程枚功世襲雲騎尉訓導洪世

城縣丞洪振鐸俱蒙

旌卹自鮑鍾銓以下家屬多同殉難歙縣志

鮑鍾杰歙縣人六品武生隨官軍祁門單騎入壘擒斬五賊咸

豐十年在籍擊賊被害歙縣志

江同文歙縣人候選訓導同姪學暉等刺賊被害母鄭暨家屬

七人俱殉之

贈國子監學錄銜廕子入監歙縣志

許士治歙縣人八品銜賊至闔門殉難世襲雲騎尉又郎中銜

庠生許疇庠生姜英附貢生仰元同知銜潘遵燮瀘溪縣丞許

黼從九品木晉基及宋灶林程仁鈞程學秋梅魁儒江寶華洪

立誥黃大猷謝光鑑謝光治俱一門殉難歙縣志 兩

洪徽歙縣人從九品帶勇駐防黃山咸豐十年禦賊力竭死歙縣志

方正歙縣監生團練擊賊首先衝鋒陣亡又布理問吳廣杓干

總吳保泰五品王成植外委程林安主簿金振聲程東璧未入

金蘭議敘八品程樹錦待詔銜吳景茂副貢胡道暄州同銜汪原璣訓導汪霖胡永治吳廣球縣丞汪廷琪巡檢胡尙慶從九朱慶煌葉裕兆程昌洛吳鴻鎔汪深汪彥福朱松年王家修葉滋藝鮑嘉翁鮑嘉孚鮑會山黃滋蓉葉士隄宋郁麟文生洪桂芬吳疆監生江福日胡學鑑胡國幹胡國樑胡國仕吳釗宋學銜王大觀均禦賊殉難世襲雲騎尉從九品方汝源方梓庭方梓萱方梓蕃江敦崇庠生江敦彥均禦賊殉難

贈鹽知事銜廕子入監又從九品宋裕彬貢生汪慶雲庠生汪振運徐學芬汪立禮胡秉恭葉炳均遇賊傷亡廕襲雲騎尉又庠生吳廷璣同吳邦傑吳允亨均戰死

贈武略騎尉八品軍功蔣啟道同蔣兆美蔣光銑蔣光城蔣長旺戴春林戴妙程花閔程財喜程朗均戰死

贈奮武校尉歙縣志

項增榮歙縣監生咸豐十年率眾堵賊長陔嶺被刺死同時幫辦團練馮存銓亦力戰死之歙縣志

吳庭璋歙縣人按經歷咸豐十年蘇州禦賊陣亡於同治九年

卹銀兩世襲雲騎尉江蘇奏案

吳嘉鸞歙縣人從九品寄居吳江咸豐十年率鄉民禦賊陣亡

卹銀兩世襲雲騎尉江蘇奏案

黃文傑休甯人從九品咸豐十年蘇州陣亡於同治九年

卹銀兩世襲雲騎尉江蘇奏案

章培錦績溪人咸豐十年同子鍾楷鍾溢鍾璿姪鍾熾督團禦賊均陣亡於同治九年

旌卹如例順天府奏案

汪鈞黜縣人從九品咸豐十年杭州禦賊殉難於同治七年

旌卹世襲雲騎尉浙江奏案

葉福生字鼎梅休甯人浙江縣丞咸豐十年賊偏杭城福生巡防候潮門先以子屬其友誓與城共存亡及陷殉難

贈鑾儀衛經歷銜世襲雲騎尉是年前杭州府經歷程福林守湧金門

同知朱士楨在富陽皆殉難從九品金達任從官軍援浙陣亡

並休甯人休甯縣志

程永祥字雲書舉人知縣黃壽基字靜巖程國俊字彥夫並州同銜俱休甯人咸豐十年帶團剿賊陣亡均世襲雲騎尉同時有候選教諭吳開甲自軍興以來練團勸捐轉運軍糧守隘殺賊迭著勞績是年冬守儒村卡被圍糧盡援絕賦詩四章飲藥死

恩給葬祭祀昭忠世襲雲騎尉休甯縣志

汪念祖字聿修休甯人郎中知府銜嘗捐鉅金助餉并充試卷費獨建節孝總坊義舉甚多咸豐十年築卡大阜瀛同子員外郎銜如岡姪知府嘉誥督團擊賊力竭均死一家十九人殉難同治四年奉

旨建專祠專坊念祖如岡嘉誥俱世襲雲騎尉同時同知銜汪志邦字

綏萬亦捐二萬餘金助餉同汪念祖辦團請兵祁門遇賊被害奉

旨附祀汪念祖祠世襲雲騎尉休甯縣志

張鳳詔字贊卿俞芳澤字荔夫汪慶雲字秉中並休甯附貢生咸豐十年同八品李其濟帶團拒賊被害鳳詔芳澤其濟均

贈布政司都事銜廕子入監慶雲世襲雲騎尉休甯縣志

吳孝澧吳孝琳並休甯人從九銜咸豐十年辦團同在籍山東屯田官吳廷詠候選郎中孫殿齡縣丞汪振翎拒賊殉難均世襲雲騎尉殿齡母妻子婦同時殉烈又州同銜汪原璜知縣汪祚照附生汪世蕓監生汪原璜程志宗八品吳學潛黃書甲及黃廷玠汪振運俱辦團擊賊遇害休甯縣志 兩江忠義錄方濬泰休甯人定遠籍附貢生保知縣署丹陽事咸豐十年城陷殉難休甯縣志王友端字月川婺源人道光丁未進士戶部主事建海運策洊升郎中隨侍郎羅惇衍察辦通濟庫虧帑獄無波累授浙江糧道署布政使時粵寇環浙友端議扼防廣德不果行咸豐十年賊由廣德犯杭州省城陷友端巷戰重傷死

恩卹祭葬諡貞介世襲騎都尉恩騎尉罔替婺源縣志

詹文鑑字寶三婺源人從九銜咸豐十年同監生詹澧詹瑞團董程光堂等帶勇戰於鳳騰殺傷無算賊大至退保浙嶺與詹杏來等百六十九人同歿於陣文鑑世襲雲騎尉是年候選鑄印局大使程金芳及其子從九程永燮監生程永漢及其子程振檀暨監生程金喜程永潤等二十六人防堵曉秋嶺江大奎隨剿三浯嶺汪昭倬汪心正汪鍾靈府知事銜汪昭佑防剿西皖吳瑞蕃吳瑞菲汪文珪議敘八品朱培濂庠生鄭培光監生朱光練宋宗葉從九周福興軍功朱聯五程鴻吉各結團禦賊陣亡婺源縣志 兩江忠義錄謝玉珂祁門人藍翎軍功五品咸豐十年泗安陣亡又營兵汪士元譚勝發汪德成謝廷標湯炳銓並援浙陣亡胡上清王光廷並建德陣亡卡勇康春貴胡女並倒湖陣亡弓兵謝良年大

洪嶺陣亡

祁門縣志

汪燦誠字經仁黟縣人咸豐中以禦賊功授六品從參將吳修

攷平石埭加五品十年從援湖州戰於同心橋並死之是年黟

汛馬兵胡榮貴援浙陣亡

黟縣志

胡尙慶字紹餘黟縣候選巡檢孝友多義行咸豐十年在休甯

小阜營結團禦賊二十餘日與其甥從九品汪慶華力戰死之

均世襲雲騎尉

黟縣志

胡諒字愛棠績溪人捐資助餉募勇倡團咸豐十年楊桃嶺剿

賊陣亡世襲雲騎尉同時死事者生員胡熙績汪文藻石祖建

石上章監生胡懋勳周承高石琪均蒙

恩卹

績溪縣志

胡詠芬績溪人府庠生咸豐十年督團禦賊和尚嶺被執不屈

死縣庠生江澧江樹勳父子從九胡名杭並禦賊被害均世襲

雲騎尉又附貢周錫泰附生黃道胡念陳監生周雲章並辦團

擊賊陣亡

績溪縣志

程秉震字聲遠績溪人從九品咸豐十年結寨龍鬚山殺賊陣

亡一門四人并殉難世襲雲騎尉又增生曹苑蜚童生石承萬

亦督團剿賊死事蒙

旌卹

績溪縣志

汪震甲績溪文生咸豐十年賊至一門二十五口殉難又貢生

胡定毅監生程翥王德超方廣瀚程庭植民人鄭官勇張厚純

張厚順張厚大程士釗程應起程士法程天元汪爲烈程定槐

程彬程士華胡定福胡德正胡之松胡秉益胡裕全汪瑞元汪

學旺汪茂林汪高有汪灶有章社正章爲春章如春章兆慶章

景茂章士煥周汝儼張宗修方宏德方茂林方洪球吳社妹馮社女高富金戴社壽黃永芳黃壽福余庭鏡唐觀福唐彩雲唐應宮唐廣有葛元海葉大灶葉福定並先後闔門殉難績溪縣志

江忠義錄

胡維崧字松山績溪庠生成豐十年二月績溪陷知縣王峻裹創力戰維崧集團從之克復城池給六品翎頂擊賊龍朝灣調防十里巖督團堵叢山關皆有功秋八月賊分股繞陷樓下村諸堡偏關援巖而進維崧腹背受敵力竭陣亡從死者數百人

績溪縣志

胡紹煥字藥汀績溪舉人太和縣訓導捐修學宮振興書院咸豐初同知縣馬新貽團練守城禦捻匪有功告歸十年夏督團禦賊陣亡世襲雲騎尉著有文選箋證三十二卷績溪縣志庚申忠義錄

胡發浩字佐庭績溪人築堡龍鬚山拒賊屢勝會大雪糧盡堡破與同族胡定榮等十六人遇害祀昭忠祠績溪縣志

唐文字汝為績溪庠生成豐十年率子學謨學煥學欽學榮帶勇守樓下堡堡破均死之文妻胡氏亦殉難是年胡位棟守翬嶺章必銓援楊溪監生程康結寨烏樸舉人唐績熙同知銜唐煜練長馮愷和馮愷灝馮成泰助守府城俱陣亡績溪縣志

汪錫煜字燦章績溪人從九品在孔靈村督團剿賊被執不屈與子社福社貴俱死又監生胡祥樑童生汪啟妹督團攻賊旌德與汪秉鋼等二十五人俱死之績溪縣志

汪澤字手存績溪歲貢耿介精古文尤長者據咸豐十年績溪城陷澤端坐同姪為淵罵賊遇害

贈布政司知事銜蔭子入監澤著有字說解義八卷竹莊詩文集二十

四卷經解十二卷讀書記四卷義壁經義四卷登原題詠四卷

績溪縣志

胡榮銓績溪人咸豐十年助守廣德州城陣亡是年監生汪筠

字竹溪同子名鑾名鑒在休甯之屯鎮禦賊均死之庚申忠義錄

汪琢字右成汪湛恩字東亭俱績溪庠生汪燦章鴻禧俱績溪

監生咸豐十年同從九汪揚慶汪揚葵戰歿又程兆槐許士烈

章忠謨丁貽準胡晉鴻洪家績洪貞進黃兆薰王時珍陳煥承

陳書承章定澤均於是年陣亡庚申忠義錄

程德榮績溪人八品銜咸豐十年率勇禦賊追殺至旌德白沙

村陷陣死先是練勇程具林等獲賊探六人又追殺馬步賊六

人後賊大至具林等力戰死之是年從九程秉震在龍鬚山汪

啟松在楊溪及胡福順胡文詠吳百福吳開茂均以率勇禦賊

陣亡監生胡潤戰敗嘔血死兩江忠義錄

汪廷縉歙縣舉人知州銜同和州訓導吳文樞訓導吳錫我歲

貢鮑應森增貢羅致庠生徐郁文黃灃程崧葉溶監生葉士浚

王學伊程立德巴錫球蔣高溥程宗純羅德樹縣丞謝恩仗軍

功汪良訓胡正鈴胡隆初汪文輅程鏡湖胡新德胡德新胡玉

苟程桂孫程雲五鮑鍾蒞謝老八謝士鐫張善勳從九朱慶桂

汪立楨胡學澤汪法道項金誥王光鑑千總鮑承慶暨宋紹鍾

周錫經程灶林程勝福汪旭東汪百慶汪時淮汪秋壽王明我

吳世祺程重彝程得慶程士坤程春貴鮑君林胡傳璜洪忠有

汪和裕程肇松謝明奎謝德徵謝明恆謝仙鳳謝積功謝法寶

謝佛泰葉至高葉志萬胡學詔胡學諍吳兆景梅茂堂梅聖貴

程正庭程正洪鄭秋法鮑金桂等先後督練擊賊皆死之又監



生凌彝勳及汪元燮汪元奐均以辦團死難

歙縣志

吳翔麟歙縣附貢生官吳縣丞咸豐十年督勇禦賊受創死

歙縣志

鮑鄂銜歙縣人候選布理問在江蘇巡撫徐有壬幕罵賊被害

又舉人吳昌照在浙罵賊死均世襲雲騎尉從九品許心存亦

在浙殉難

贈鹽知事銜

歙縣志

潘俊歙縣舉人嘗集團禦賊歙南賴以安堵赴霍山訓導任遇

賊被害

歙縣志

程國賢歙縣舉人浙江龍泉知縣以德化民咸豐十一年調防

杭州城陷死之妻汪氏自縊以殉祀昭忠祠世襲雲騎尉

歙縣志

程守恭歙縣人鹽運判在浙團練助防省城咸豐十一年城陷

恩卹銀兩建坊入祠世襲雲騎尉又程發賀喜汪昌並於是在年杭城陣

亡准入祠坊

浙江奏案

葉德生歙縣人署浙江石門縣典史咸豐十一年城陷投河死

之同治七年

贈鹽知事銜廕子入監

浙江奏案

金笏金章金芸俱歙縣諸生成豐十一年率勇禦賊巖鎮眾潰

章與芸力戰被害笏受傷走民房自縊是年黃德鎔柯福壽諸

生陳修業同子諸生惠及程啟耀俱率眾禦賊陣亡德鎔子本

淦本鴻救父遇害

兩江忠義錄

張光亨休甯人咸豐十一年浙江省城禦賊陣亡奉

旨建坊入祠

浙江奏案

重修安徽通志

卷二百五

人物志

忠節

六

徽州府

朱壽護字芭孫浙江商籍附貢候選郎中張懷清字菊圃州同  
銜並休甯人咸豐十一年杭城陷俱以督戰受傷死均世襲雲  
騎尉休甯縣志

余熙黟縣人候選從九品以團防功給六品頂戴咸豐十一年  
陣亡世襲雲騎尉黟縣志

汪熙欵縣庠生籌辦團防動合機宜咸豐十一年城陷偕子遇  
害又葉四保從九汪明序俱團練禦賊死歙縣志

孫錫封字孟侯黟縣人從九品自團練以來矢志殺賊為諸團  
先咸豐十一年陷伏力戰重創死

恩

祠祭世襲雲騎尉子美湘襲黟縣志

余瑞祥字廷瑞黟縣人湖南縣丞在籍防堵從余兆元等復祁  
門以功給六品頂戴調赴徽防咸豐十一年五月援黟陣亡黟縣志

志

方發達王樣發俱黟縣人咸豐十一年集勇剿賊驚夢嶺力竭  
陣亡又余金秀會剿藍田賊巢馬陷泥淖中被創死黟縣志

李春華李嘉錚俱黟縣人從九品迭次帶團殺賊咸豐十一年  
禦賊方干嶺陣亡均世襲雲騎尉春華

贈鹽知事銜黟縣志

程松林黟縣人咸豐十一年漳嶺之戰陣亡闔門七人殉難是  
年江灶託灶旺兄弟陣亡湯肇斌江國近俱闔門殉難黟縣志

朱起福黟縣人咸豐十一年集團隨官軍復長興攻城陣亡照  
行伍議卹黟縣志

胡嗣通績溪人在浙辦團給五品翎頂咸豐十一年回籍募勇  
擊賊嚴州與胡文田等二十三人並陣亡績溪縣志

張傳茂字有椿績溪人咸豐十一年在浙助餉辦團檄守杭城鳳山門保五品銜城陷巷戰死

贈道銜蔭子入監同時殉難者五品銜章正壽及章正利章正錚章志

堅績溪縣志 按由五品銜 贈道銜疑誤

汪廷琪休甯人候選縣丞咸豐十一年四月同監生汪士潤汪輔廷等攻賊於富昨殺傷數十名士潤輔廷戰歿鄉勇李順財等三十三人陣亡廷琪被執不屈死世襲雲騎尉是年春揀選知縣邵孝本從九詹世松並禦賊死均世襲雲騎尉鄉勇張文魁等二十一人守扶車嶺孫麒麟等九人在陽臺程品等三人在旗帶嶺皆陣亡休甯縣志

孫旺林休甯人咸豐十一年率里人詹起松等守隘禦賊追殺至五城陣亡休甯縣志

胡必兆休甯人同弟必翔奉母避難遇賊一門死之又文生汪

聯芳監生項崑璧姚萬鄰施個程文彬許肇甫王榮治陳再起

俱一門殉難休甯縣志

李承謀婺源人武康縣典史咸豐十一年檄赴湖州及城陷殉

難婺源縣志

胡晨字五峯婺源人儋州薄沙司巡檢隨剿黎匪中礮死祀昭

忠祠世襲雲騎尉婺源縣志

洪志鄣婺源貢生成豐十一年在大橋段陣亡世襲雲騎尉是役也洪志蟠洪志枝等十九人皆死是年從九洪祥怡在汪家嶺從九程大銓在黃瓜嶺軍功俞勝來在清華監生葉杰在曉川八品銜程鼎從九俞煥林王有章監生俞允修俞經年章黼何廷瑞何炳耀胡廷煦鄉飲賓程大榮在西鄉武生吳廷標在

吳源監生游鳴琦游太助從九游雄輝在東鄉及從九程鐸程

振邦曹亦煥程美鏐監生汪日華武生程劍南暨程大翊程大

熠俱率眾禦賊陣亡婺源縣志

王超福施寶婺源人俱從九銜咸豐十一年率團禦賊於檉林

於新義社陣亡均世襲雲騎尉婺源縣志

劉世美祁門人寄居高淳縣相圩咸豐十一年率練拒賊圩破

被害兩江忠義錄

汪延美黟縣人縣丞隨父正準率飛虎勇復分宜城運糧遇賊

陣亡黟縣志

王麟海績溪人從吳定州帶安勇積功保守備咸豐十一年板

橋防剿陣亡世襲雲騎尉同死者貢生汪清廩貢汪光潤議敘

九品胡瑞豐文生胡裕成胡裕綸張清武生汪鳳城汪廷柱汪

錦標汪清標監生汪士偉從九胡璧玉等凡二十八人績溪縣志

章成絢字素菴胡國賓字敬菴程渠字昉白程效字復先俱績

溪庠生成豐十一年集團禦賊歛東同貢生胡守正附生胡開

泰胡大椿從九陳德興章世慶程步瀛周沛芝並殉難均世襲

雲騎尉章成絢之叔志炎叔母胡氏皆死陳德興一門三十九

人章世慶一門六人胡開泰胡大椿一門三人並死之是年文

生石應星在旺山文童張傳郁在外靠嶺胡洪澤在王家村章

廷晉在石井及胡道浚胡隆珍胡隆濤胡學鑰胡學毓胡福林

胡長材均率眾拒賊陣亡績溪縣志

程交慶績溪人咸豐十一年率團擊賊斃七人賊退會有汪錫

田汪茂吉者引賊復入交慶率團丁擊退并獲茂吉殺之賊眾

至不敵塵戰死是年陳定榮程俊川諸生方德元八品胡韜俱

率眾禦賊被害陳氏殉難三十九人兩江忠義錄

吳受甫歙縣人浙江永嘉籍從九品同治元年在烏牛率勇剿

賊陣亡

恩卹銀兩建坊入祠世襲雲騎尉浙江奏案

蔣嘉煒歙縣舉人以團練功保知州同治元年戰歿子龍賓及

親族十三人皆從死妾梅氏投水死歙縣志

葉桂藩歙縣人吳縣商籍以剿辦潮匪功保同知銜回歙率子

庠生鈞駐防山險保衛鄉里同治元年督勇隨官軍剿賊績溪

卒六品軍功李年福隨桂藩禦賊戰死歙縣志

張文翰歙縣人候選州同同訓導宋翊昌程守敏布經許士潛

縣丞許永升吳茂芹典籍程立鼈五品銜吳錫聰六品銜吳錫

謙運同銜胡光焰軍功程文毅葉裕謨葉熙裕葉熙萼黃宏澤

從九謝邦柱謝成偉宋錫均程良佑黃元泰吳茂釗吳正校吳象升方永裕王應炳曹大冕吳世謨黃嘉謨余恆武葉裕泉葉裕基江永鳳徐述祖徐澤機謝成保吳正傑廩生洪恩受增生朱箴朱兆蕙鮑澧附生鄭同庚程克誠唐嗣昌洪應槐朱鑾巴繩祖胡國榮監生汪文寶汪廣俊汪承煦孫尙貴何永裕鮑存訢黃元達王明增潘嘉齡吳善珍項萼黃立仁江敦偉謝成儀外委關必興俱禦賊殉難

旌卹坊歙縣志

黃樹球字東序黟縣諸生同治元年督團接仗陣亡膾雲騎尉

又從九銜方英棠亦於是年陣亡世襲雲騎尉黟縣志

汪鳳翔黟縣人從鮑超剿賊江西累功給六品同治元年從剿

甯國寒亭之役陣亡黟縣志

邵輔字清齋績溪舉人任葭州知州徧覽形勢辦團練境內肅然調隴州上關中防守十策同治元年督團擣回匪賊巢擒斬四千餘名以知府補用是年冬赤延鎮堵剿同從姪懋功陣亡

奉  
旨優卹建立專祠懋功附祀績溪縣志

章樹勳字德宏績溪人先是咸豐十年縣城陷與監生章炳輝率團接戰賊敗追擊之炳輝死焉樹勳退駐深谷夜火攻之賊驚遂同治元年賊又犯境樹勳手刃數人力竭陣亡世襲雲騎尉同時章松樹等十二人並殉難績溪縣志  
周國棟字子惠績溪監生倡團練守人面石同治元年同從九周作楫率周兆基等殺賊三百餘名擒偽天安偽天義二年擊賊大石門及十三都均大勝進擊石紋橋均陷伏死兆基及練

長邵社輝耿金柱等三十五人陣亡是年庠生曹鴻藻監生石紹宗童生石堅亦督團擊賊陣亡俱蒙

旌卹績溪縣志  
兩江忠義錄

章琪字薪谷績溪庠生同治元年率團堵賊叢山關遇害世襲雲騎尉是年張彩築砦上橫巖賊屢卻乘大雪潛入彩與方德新方九福程觀正張灶煥力敵死之汪四海周承泐並以巷戰陣亡績溪縣志

邵作楫邵運華俱績溪人從九品同治二年督團剿賊陣亡均

贈五品銜世襲雲騎尉績溪縣志

曹恩績溪附生咸豐間辦團同治二年同從九品曹鴻疇監生曹鴻漸勇目曹興裕曹益謙曹流謙程錫恩曹興茂曹功顏曹沛霖程元壽俱陣亡於同治十一年

旌卹祠坊

黃鉅奏案

周恩績溪人從九品咸豐間倡團練防遙遙嶺同治二年賊踞

霞水村恩率子陞姪承杰等劫賊寨同被害績溪縣志

舒五慶績溪人寄居歙縣募百餘人屢擊賊後被圍死之歙縣志

志

汪兆利字用賓祁門貢生刲股愈母病以辨碣功保訓導同治

二年同文生許康林帶團禦賊陣亡均廕雲騎尉又縣丞許咸

熙從九品謝純源陣亡均世襲雲騎尉祁門縣志

方茂林字翰臣黟縣人捐職州同同治二年督團禦賊眾潰被

執死

恩卹祭葬世襲雲騎尉子鉞襲

黟縣志

李麟書字永清黟縣諸生治易精壬武軍興占寇警皆驗同治

二年正月自占先凶再吉歎曰凶兵死吉成仁也二月當驗至

期賊掠山谷麟書率子翰榜孫采芹俱力鬪死蒙

旌卹祠坊

黟縣志

江成魁字星一黟縣人從九品同治二年禦賊漳嶺戰死祀祠

建坊是年鄭柏廷與謝林等在休甯高橋打仗殺賊二十一級

力竭俱陣亡黟縣志

舒紹華字克繩黟縣人未入流端謹好義同治二年南屏之戰

陣亡世襲雲騎尉子祖儀襲是年從九品孫朝儀汪端甫並陣

亡均世襲雲騎尉黟縣志

江錫銓字鼎臣黟縣文生敦樸自好先於咸豐五年東山之戰

手斬髮逆多名同治二年復禦大股悍逆陣亡又歲貢胡大綱

字建如文生汪家駉汪啟昆余芳亦於是年俱陣亡均廕雲騎

尉黟縣志

唐新貴黟縣人同治二年率團守羅嶺與軍功朱光貽等一百九人俱陣亡

旌卹黟縣志

吳郁文字景周黟縣人名醫吳百祥之孫父毓春兄培基並死於寇郁文同治二年殉難母妻子孫十一人闔門從死是年黟縣監生江良知一門九人程學培父子兄弟八人暨邵賢祥徐觀老舒灶有吳鴻臣葉福壽范裕培林學善汪長慶湯炳東汪士源潘章福江昌齡程觀書汪正道邵灶大汪灶祥汪立道胡連洪汪灶成胡灶維汪灶海胡廷賢汪必根朱榮熈子福泰程增華江灶發湯天水鄭思忠韓家九孫式姚黃新烈查觀益查嘉言汪國高並闔門殉難黟縣志

汪人琨從九品吳夢熊貢生吳庭煥廩生吳耀龍附生俱休甯人辦團剿賊陣亡人琨世襲雲騎尉庭煥等均廕雲騎尉順天奏案

余贊字縵廷休甯人杭州商籍附生同治二年在休甯洽舍殺賊被戕廕雲騎尉浙江奏案 庶吉士余弼呈略

汪金慶祁門人同治二年率眾擊賊小江村陣亡祁門縣志

汪聚元婺源人同治三年督守迴嶺陣亡婺源縣志

程啟燦字式如黟縣人州同銜素行端謹同治三年屯溪陣亡

世襲雲騎尉子士松襲黟縣志

方思侯婺源人充浮梁鄉勇剿賊景德鎮陣亡婺源縣志

胡尚乘字蓮帆黟縣人從九品同治三年敗寇自閩竄江西尚乘集團禦於鉛山力竭死是年程宏煇文生俞懋勤並在江西

陣亡黟縣志



滕榮婺源人宋村渡夫有賊數十人喚渡榮載至中流覆之同

溺死婺源縣志

胡大本婺源監生同治六年在江蘇山陽帶勇剿捻陣亡婺源縣志

張有才歙縣人都司陝甘剿賊陣亡於同治十一年

贈游擊銜世襲雲騎尉左宗棠奏案

方漢光歙縣人從九品同從九品方百壽方長祿民人胡廷佐

胡世純胡世嘉胡德增胡德坤胡德標胡德隆方佩汪麒麟汪

端甫吳稼成吳瑞喜俱禦賊陣亡於同治十一年

旌卹祠坊黃鈺奏案

洪蓀歙縣人浙江從九品署安溪務大使罵賊被戕妻張氏弟

承楓妻曹氏承杓妻殷氏子大信二信女大姑同殉難浙江奏案

胡鴻緒休甯人從九品禦賊陣亡於同治十一年

旌卹祠坊黃鈺奏案

重修安徽通志卷二百六

人物志

忠節五

甯國府

晉俞縱涇縣人蘇峻之亂彝遣縱守蘭石峻將韓晃攻之縱將  
敗左右勸縱退軍縱曰吾之不負桓侯猶桓侯之不負國也力  
戰死贈興古太守晉書桓彝傳

宋鮑瑑旌德人宣和中方臘寇甯國瑑糾義兵擊破之補承信  
郎明年賊盧邁寇涇瑑力戰中流矢死一統志

王相如字次卿宣城人建炎初江右盜起相如為賊所得州檄  
賊降賊令屬草報州相如奮髯叱曰吾死不為賊作牒遂遇害  
一門皆死所著有溪堂集周紫芝序之稱為仁者之勇云一統志

詹友端字伯尹宣城人政和丙申鄉貢第一建炎初上書言復  
讐取中原事語甚壯不報值潰將戚方圍宣城友端親當鋒矢  
以為眾倡賊平補迪功郎調監池州贍軍酒庫盜發鄰郡委  
友端攝西安尉與賊戰中流矢卒詔錄其子雷一統志  
趙師旦字潛叔積之從子用積蔭調將作監主簿知江山縣斷  
治出己吏不能得民一錢歷知康州儂智高破邕州順流薄城  
下師旦迎戰殺數十人賊稍卻師旦還語其妻取州印佩之使  
負其子以匿遂與監押馬貴部士卒固守城破矢盡士無一人  
逃者賊脅師旦大罵不屈智高怒並貴害之賊既去州人為立  
廟事平贈光祿少卿樞過江山合縣迎喪哭祭數百里不絕宋史  
曹觀傳  
王行之字才仲太平人為婺州士曹宣和三年方臘寇婺守臣

皆遜行之曰吾刑官也分當死職遂遇害一統志

方致堯甯國人建炎庚戌戚方寇甯國致堯伏鄉兵於嶺隘大  
破之賊益兵至中流矢被執脅之降罵曰我豈從賊者耶遂死  
一統志

趙汝彛宣城人通判文州嘉熙元年元兵來攻與知州劉銳書  
夜搏戰拒守兩月餘援兵不至城陷銳自刎汝彛被執以善射  
故先斷其兩臂斃殺之宋史劉銳傳

吳寶信字叔誠宣城人以蔭為龍泉令元兵入臨安寶信從張  
世傑奉二王如福州復遷泉州會蒲壽庚亂率淮兵百人力戰  
一統志

周真字子繼旌德人咸淳中奉文天祥劄授本縣尉元兵壓境  
力戰死之一統志

楊義忠字大書甯國縣吏德祐元年巴延攻甯國知縣趙與  
穉戰死義忠率眾城守凡六十晝夜出戰死贈武功大夫宋史

統志甯國府志

唐泰嶽號賡方宣城人宋相介後度宗時為甯國軍節度遂卜  
居焉元兵渡江泰嶽力戰采石不支退守甯國元人來檄降泰  
嶽曰世有降節度耶元令圍久者下之日屠其城泰嶽謂其妻  
曰吾不如先死以存數萬百姓遂夫妻同日死城得免屠士人  
德之甯國府志

元洪文廣涇縣人以薦授高陽牧三年政平訟息尋擢臺史時

桑哥擅權文廣首劾之出為建康道廉訪副使數上書言得失

桑哥怒矯詔賜死甯國府志

王翁宣城管軍百戶至正乙未長槍賊陷城呼弟曰我受國恩

當死汝等衛老母出遂與妻同日自刎死一統志元史類編

張文貴宣城人官百戶明兵下甯國路守將出降文貴被執不

屈死妻妾皆自殺一統志明史陳友定傳

梅實字仲實宣城人官集慶路照磨至正末明兵至謂其友李

端曰事亟矣當以死殉國毋令後人謂我不明君臣之義城陷

闔門自經元史類編

張國岡南陵人至正丙申趙雙力寇南陵率義兵與戰被執不

屈死一統志

劉保九宣城人與其兄保一俱膂力絕倫至正末劇盜蠡起率

眾保禦鄉里保一授萬戶保九授信武將軍後保九獨出禦賊

歿於陣甯國府志

洪文甫甯國人為烏程縣尹解組歸至正末紅巾賊起偪文甫

從不屈扼吭死甯國府志

明汪文炳字炳叔太平人明太祖渡江隨孫炎入見授祕書典

籤講解稱旨遷都昌知縣陳友諒來攻援絕被執不屈死一統志

胡泰亨字仕通太平人太祖下甯國授庫官以親老乞歸洪武

初召至金陵值兄臨亨犯法當死泰亨以其無子請代太祖義

而免之尋命往守安南寇圍城急潛縋請救為賊所執脇之降

不屈遂被害甯國府志

何通泰字季貞甯國人元末嘗倡鄉兵卻紅巾賊太祖渡江通

泰歸附既而偽吳來攻城陷自到江南通志

李誠太平人從太祖征江州陷陣死甯國府志

陳迪字景道宣城人祖宥賢明初從征有功迪以通經薦除編

修歷山東左參政雲南右布政並有聲建文初徵為禮部尚書

時更修制度沿革損益迪議為多又陳清刑獄招流民凡二十

餘事皆從之靖難兵起李景隆戰敗迪陳大計督運軍儲聞變

趨赴京師燕王即位召迪責問抗聲不屈與子鳳山丹山等六

人同磔於市蒼頭侯來保拾其遺骸歸葬妻管氏自縊死幼子

珠五月乳母匿之八歲為怨家所許永樂宥之戍撫甯洪熙初

赦還明史本傳

國朝乾隆四十一年

賜諡忠烈勝朝殉節諸臣錄

余逢辰字彥章宣城人為燕府伴讀王信任之以故得聞異謀

乘間力諫知變將作貽書其子誓必死兵起復泣諫言君父兩

不可負死之明史張昂傳

國朝乾隆四十一年

重修安徽通志

卷之百六

人物志

忠節

四

甯國府

重刊安徵通志 卷一百六 四

賜諡節愍

勝朝殉節 諸臣錄

萬琛字廷獻宣城人成化丁酉舉人知靖江改瑞金會劇盜大至或勸琛避琛叱之率民兵數十人迎戰殺賊二十餘人力屈被執罵不已遂遇害賊退得其屍溝中身被創十六指截三詔贈光祿卿蔭一子初琛遇難次子麟伏闕上書得贈蔭有司謂宜錄麟麟不受以讓其兄麒時人義之一統志 明史本 甯國府志

吳景字伯陽南陵人宏治丙辰進士歷官四川按察司僉事正德中重慶人曹弼亡命播州糾眾寇川南景守江津手殺三人矢被面城陷大呼曰甯殺我無殺百姓遂死之贈按察司副使賜祭葬立祠江津予世蔭明史本傳

王斌字季文宣城人官參將駐河南與闖賊戰獲其將四十七員加總兵以深入陣亡甯國府志

朱儀字象先涇縣人崇禎丙子舉人由庚辰特用任嘉定知州行取未行獻賊入川或勸之去儀曰我去誰與保障城陷不屈死之妻胡氏子命錫俱從死

國朝道光四年

恩准祀忠義祠

嘉定府志 涇縣志

沈壽崇字宗山宣城人崇禎武進士官興都留守忤巡按李振聲劾罷未行而賊至與巡撫宋一鶴謀守禦每自吟國恥非難雪君恩未易酬句城陷朝服北面拜賊斫之仆曰得死所矣一子同時遇害事聞贈都督僉事蔭子錦衣百戶一統志 明史宋一鶴傳

國朝乾隆四十一年

賜諡烈愍

勝朝殉節 諸臣錄

方召宣城人署江山縣事聞金華被屠集父老告之曰不可以

重修安徽通志

卷一百六

人物志

忠節

五

甯國府

吾一人使闔城被殃遂封其印冠帶向北拜投井死士民收葬

為立祠明史朱大典傳

國朝乾隆四十一年

賜諡節愍勝朝殉節諸臣錄

朱懋華字仲敬南陵人崇禎進士知定海縣聞闖賊入京師北望遙拜自縊死江南通志

國朝乾隆四十一年

賜諡節愍勝朝殉節諸臣錄

張載述字又彭涇縣諸生明末嘗三上史可法書陳兵食之計乙酉涇縣不守遯走瀘溪為魏一柱畫策守瀘後隨桂王至粵西為給事中以阻孫可望封秦為可望所殺明史嚴起恒楊畏知傳

國朝乾隆四十一年

賜諡烈愍勝朝殉節諸臣錄

屠紹皋字士際甯國人以貢生知上津縣崇禎十年獻賊陷城不屈死之一統志

國朝乾隆四十一年

賜諡節愍勝朝殉節諸臣錄

張鐫甯國人為桂王刑科給事中馬吉翔為孫可望謀禪代鐫連章發其奸謀王倚以為重遂奉命圖去可望事洩為可望凌遲死鐫就刑神色不變賦詩大罵而死明史吳貞毓傳

國朝乾隆四十一年

賜諡烈愍勝朝殉節諸臣錄

朱敏泰涇縣人太原籍由吏員歷宣府督糧通判闖賊陷宣府同巡撫朱之馮自經死家屬七口同死明史朱之馮傳甯國府志

重修安徽通志卷二百六 人物志 忠節 甯國府

國朝乾隆四十一年

賜諡節愍勝朝殉節諸臣錄

饒胤字象台旌德人天啟舉人知蒲臺縣崇禎十五年城陷不

屈死一統志

國朝乾隆四十一年

賜諡節愍勝朝殉節諸臣錄

劉統字君常旌德人官守備福王監國晉秩都司從左懋第奉

使北上以不降誅明史左懋第傳

國朝乾隆四十一年

賜諡節愍勝朝殉節諸臣錄

王一斌太平人崇禎庚辰武進士左懋第奉使通好一斌以游

擊從人都館於太醫院懋第聞南京失守慟哭不降誅一斌亦

不降死明史左懋第傳

國朝乾隆四十一年

賜諡節愍勝朝殉節諸臣錄

沈壽堯宣城人壽崇弟也金聲起兵績溪壽堯舉兵應之約邱

祖德共復郡城不克壽堯陣歿明史邱祖德傳

麻三衡字孟璿宣城諸生布政使溶之孫起兵稽亭應金聲兵

敗被俘快咏怒髮之詩屹立受刃死朱彝尊曰孟璿注名復社

遺賦無衣陳安未克生還狼臙已得死所明史邱祖德傳三峯傳藁

吳漢超宣城諸生聞都城變謀募兵赴難會福王立乃已明年

南都覆棄家走涇縣從尹民興起兵兵敗匿華陽山中與徐淮

合取旁近小縣明年襲甯國夜緣南城登兵潰按首事者漢超

已出念母在且恐累人遂入曰首事者我也剖其腹膽長三寸



妻戚氏自擲樓下死明史邱祖德傳

國朝乾隆四十一年壽堯三衡漢超並

賜祀忠義祠勝朝殉節諸臣錄

錢文龍甯國舉人起兵應金聲死同邑諸生吳太平阮恆阮善長劉鼎甲胡天球馮百家與俱起號七家軍兵敗皆死之明史邱祖德傳

德傳

國朝乾隆四十一年並

賜祀忠義祠勝朝殉節諸臣錄

趙初浣字雷度涇縣人崇禎副榜乙酉南都覆初浣與邑諸生據城拒守城破初浣死之明史邱祖德傳

國朝乾隆四十一年

祀忠義祠勝朝殉節諸臣錄

王文亮太平人官千總崇禎庚午從劉協理剿賊戰歿同邑譚學鵠為嶧縣主簿崇禎壬午

大兵下山東學鵠死之太平縣志

王六郎太平人與弟庠生伯子從金聲起兵聲敗兄弟同死之太平縣志

太平縣志

趙大中字黃吉涇縣諸生南都覆涇前令尹民興流寓於涇大中率諸生奉之主兵據城拒守城破民興遜大中死之時同邑諸生死義者趙鶴字于九格殺數十人於城北而死趙崇炫自刎死趙崇雅趙純仁張載達張學載張一稱左宜之王大新王日望劉嘉皆死又有沈懋賢者字德臣民興之遜也步追之卒不返歸題其壁而死民興回里追讎國殤香烟中見趙大中端坐於上汗流浹背遂為僧甯國府志

徐應第字及三涇縣人以武進士官武昌都司獻賊寇武昌應第戰死甯國府志

蕭耀字闇然涇縣人以武進士歷任兩廣總兵

大兵下兩粵耀戰敗自刎妾劉氏幼子培俱入空門以終其族蕭

家駿字燕良以武進士為平望守備

大兵南下拒戰死甯國府志

吳大鼎字席儒涇縣人為湖廣巡撫何騰蛟所識拔由守備超

遷總兵鎮荊州尋移岳州順治三年

大兵至戰敗就擒不屈死又吳道正字魯脈歷官副總兵平安酋

有功孔有德攻登萊力戰死子幼蔭其姪德忍為守備吳之瑜

官辰州通判流寇陷城脅至漢陽不屈死甯國府志

萬庚字白叔涇縣人乙酉城破范雲龍倉卒集眾於城東庚往

應之雲龍敗庚被繫將與一蒙師同釋庚呼曰彼是也我非也

我將往白門面責洪承疇負先帝建廟旌忠之恩耳遂解江甯

被刑死三峯傳藁甯國府志

萬麟字道祥涇縣諸生明亡遺其兄應隆書曰弟任道無力姑

以一死塞責遂不食死三峯傳藁甯國府志

趙瑋字太璞涇縣歲貢生莊烈帝臨雍抗疏陳時弊歸從尹民

興起兵傾家贍軍城破走閩為兵部郎中閩亡自殺甯國府志

鄭繼元涇縣人官四川崇慶衛經歷告歸城破被執不屈死妾

蕭氏亦自刎甯國府志

翟文術字無術涇縣人以進士知平江縣流寇起力守孤城請

援莫應憂憤嘔血而死甯國府志

章希熊涇縣人官潮州府經歷闖賊陷城死之甯國府志

張有德字養源宣城人官福王工正崇禎壬午賊寇雒城被執

府志

罵賊死河南巡撫蘇京具題建祠

徐肇基字紹先宣城人以孝友稱聞明亡北向大慟即往麻姑

山從麻三衡起兵妻劉氏勸之曰天命有歸矣肇基泣然曰吾

府志

惟有死三衡敗俱死

府志

謝國斌宣城人以武舉任陽江守備明亡闔室自盡

劉永合字符卿南陵人獻賊破廬州躡及南陵永合糾眾捍鄉

里賊驟至被執罵不絕口賊怒截其顛子廩生永喬痛哭而卒

府志

施所蘊字玉壺南陵人以蔭授光祿寺丞告歸流寇掠境端坐

中庭罵不絕口遂遭慘戮子玠甫十二歲抱屍痛哭賊義而釋

之

府志

劉大京字君開南陵人鼎革後令薙髮不從慷慨就刑有劉希

邁者亦同日死

府志

汪朝維字士張甯國人潰卒掠境朝維手刃其魁旋中流矢仆

地弟朝繼救之同死

府志

崔守義太平人由椽吏官湖廣鄱縣尉李自成陷承天旁略州

縣城破被殺

府志

牛論太平人以材官事左懋第隨行連劄授把總千總都司懋

第盡節論自刎死

府志

陳易字有功太平人以武進士授杭州守備南都覆起兵應金

聲授副將陷陣死

府志

張廷豹字炳文太平人崇禎癸酉武舉人金聲起兵績溪廷豹

與陳易應之易戰死石埭廷豹退保密崖關關破死之

府志

崔騰鯉太平縣貢生任松江府學訓導

大兵至府縣官委印遜騰鯉集印七端坐明倫堂兵至主帥諭之

曰爾降者七印惟所欲騰鯉曰吾守死非守印也與其子爾生

同死之甯國府志

孫大綺太平人由禮部儒士官羅田縣巡檢流賊圍而攻之食

盡死甯國府志

舒天長涇縣人明鼎革後不食死祀鄉賢忠義兩祠又趙臣成

涇縣諸生觸石死涇縣志 新增

國朝李煌字仲宣宣州衛人順治戊子貢生授萊州推官尋攝膠

州事順治十年鎮將海時行叛煌不屈死之事聞贈山東按察

使僉事 賜祭葬蔭子如玉入監孫喬蔭授遵義知縣煌被害時旗鼓司張思選

者陝西延安人時行命之刃煌思選以刀返擲時行不中遇害

思選有僕張俊攜其子逃忽遇煌於道謂俊曰爾主今日戰於

廟灣屬我命爾善事幼主可勿逃也明日時行就擒膠人為立

憫忠祠煌妻華氏年少以節終裔孫達嘉慶十一年得蔭千總

一統志 山東通志 甯國府志

劉定邦旌德武舉官澧州營守備康熙三年由黃草梁攻茅麓

山上路奪白石巖乘勝攻石笋先登陣歿

詔贈都司僉書旌德縣志

汪化鼇字魚君涇縣人由拔貢歷漢中府同知吳逆陷漢中偪

受偽職化鼇不從囚繫經年自經死藁葬漢中城南子鈞以蔭

知狄道縣乾隆二十六年

恩准祀昭忠祠一統志 甯國府志

孫斌字淑獻南陵人以武進士為福甯游擊耿逆反招斌斬其使飛報督撫請兵合討耿逆怒縛至省抗詞不屈囚之興化斌棄妻子而逃至背嶺山追卒至梃杖交下墮峻崖腰膝皆折丁巳春

大兵下興化斌扶杖謁軍門奉

旨優敘累官夔關副將都督同知繼母歿解官

詔特許之武臣丁憂自斌始一統志

許士縉字爾明甯國人由行伍積功任廣東副總兵順治丁亥

禦賊中礮死甯國府志

翟文進涇縣人官甯國營把總順治十六年海寇犯瓜州文進

迎擊陣亡甯國府志

劉讓字仲怡宣城人從征粵西以功授西林知縣康熙辛酉隨

征貴州轉餉軍前遇賊於南甯被執不屈死兄謙走萬里負其骸歸乾隆二十九年

恩准祀忠義祠一統志甯國府志

濮陽甯曾字爾修宣城人以材官授游擊從松江提督征耿逆至閩界渡河馬陷沒照陣亡例

賜卹銀七十二兩甯國府志無涉過而存之姑仍其舊

朱慶錦涇縣人武陵籍由行伍歷永綏協左營守備乾隆三十七年隨征兩金川有功六十年苗亂鎮箠鎮總兵明安圖赴鴉西寨剿捕被困慶錦隨副將伊薩納馳救力戰死妻孫氏妾江氏自縊一門從死者六人事聞

賜卹錄其子安邦授雲騎尉世襲襲次完以恩騎尉世襲甯國府志以上舊志

重修安徽通志卷二百七  
人物志  
忠節六  
甯國府  
王國賓字誠齋太平人守備銜江淮衛千總咸豐三年髮逆偏  
江甯府國賓從糧道陳良耀守城北城陷巷戰死一門殉難  
贈守禦所千總銜  
賜祭葬世襲雲騎尉太平縣志以下新修  
呂賢基字鶴田旌德人道光乙未進士授編修歷御史給事中  
伉直敢言先後疏陳各省加派勒捐濫支軍餉辦賑遲延等弊  
皆議行三十年正月應

重修安徽通志卷二百七

人物志

忠節六

甯國府

王國賓字誠齋太平人守備銜江淮衛千總咸豐三年髮逆偏  
江甯府國賓從糧道陳良耀守城北城陷巷戰死一門殉難

贈守禦所千總銜

賜祭葬世襲雲騎尉太平縣志以下新修

呂賢基字鶴田旌德人道光乙未進士授編修歷御史給事中  
伉直敢言先後疏陳各省加派勒捐濫支軍餉辦賑遲延等弊  
皆議行三十年正月應

詔陳言一懋

聖學一正人心一育人才一恤民隱竝請停江浙捐米例遷鴻臚寺卿  
咸豐元年擢工部左侍郎二年以粵匪河工度支漕運事事可  
慮疏請下

詔求直言如所請行三年正月

命赴安徽會辦團練防剿事宜疏請撥帑帶員調委又請

飭給事中袁甲三廣東知府趙昉協理防剿均從之尋會疏言團練防

剿三事當分任併力以圖得

旨嘉納賢基抵宿州激勸忠義進駐六安時髮逆東趨分股犯集賢關  
十月桐城陷舒城告急賢基率勇馳駐舒城誓死守賊大股抵  
城下賢基登陴力禦未幾城陷力竭死之僚屬及幕佐多殉焉  
江忠源疏聞

諭曰呂賢基品學兼優同籍督辦團練方資倚畀捐軀盡節悼惜深

追贈尚書銜照尚書例賜卹又

諭曰贈尚書銜侍郎呂賢基素懷忠義大節無虧可於舒城建立專祠

並賞內庫銀三千兩治喪尋

賜祭葬諡文節祀京師及本籍府城昭忠祠八年祀旌德鄉賢祠世襲

騎都尉子維幹襲史館鈔傳旌德縣志又刑部主事朱麟祺經呂賢基奏

帶安徽辦團咸豐三年九月在桐城大關血戰陣亡照知府陣

亡例優

卹同治十一年內閣學士宋晉奏請

予諡並附祀呂賢基祠報

朱宗采字芙生涇縣人咸豐三年官廬州府訓導守府西門城

陷死之世襲雲騎尉是年翟詢在金陵殉難

贈鹽知事銜廕子入監又朱麒書守金陵南門城陷死之涇縣志

重修安徽通志 卷二百七 人物志 忠節 甯國府

朱鎮原名懋杭字耀廷旌德舉人咸豐三年投効揚州軍營以克復揚城及追賊皖豫燕晉轉戰功歷保知府又以解佟都統圍因受重傷旋卒

恩卹祭葬加布政使銜世襲雲騎尉祀昭忠並建專祠

旌德縣志

崔齡字半帆太平人官陝西寶雞縣丞告歸聞金陵陷慟哭赴井死

太平縣志

李棟字子藩宣城貢生祖籍旌德之湯村道光二十六年選湖北公安知縣賑災築隄全活甚眾咸豐初調孝感鍾祥清釐積案訓練勇丁以循良著武昌漢陽初陷土匪四起棟擒獲馬騾子郭大安蓋天王等三年擢荆門直隸州知州

諭曰李棟勤能廉潔士民畏愛俟引見後以知府升用時粵逆林鳳祥陷黃安趨麻城欲入江棟率兵往扼江口與賊遇連破之追至

馬鞍山殲滅殆盡九月江西賊犯廣濟之田家鎮檄棟往四戰皆捷越日追敗賊於興國州之富池口距後軍遠賊登陸襲之棟陷泥淖中二百人皆鬪死事聞

贈道銜世襲雲騎尉同治二年

賜諡剛介原籍及死事地方建立專祠

史館鈔忠義傳宣城縣志并採薛湘張曜孫王柏心張裕釗

吳耀文字漢章宣城廩貢臨淮訓導賊至同邑紳謀守禦不及死之子湛官徽州右營守備署廣德營都司城陷戰死均廕雲

騎尉

宣城縣志

王思善太平監生成豐三年在太湖帶練禦賊陣亡

英山縣志

汪翰垣字竹儒旌德庠生成豐三年襄辦霍山團練城陷死祀

昭忠祠世襲雲騎尉

旌德縣志



董廷魁涇縣監生咸豐三年同沈位南率勇隨官軍擊賊萬級

嶺陣亡均祀忠義祠涇縣志

王式金太平庠生咸豐三年督勇守萬級黃柏兩嶺禦賊死太平縣志

黃金鐘太平監生咸豐三年督勇防剿後城陷扼吭死太平縣志

牧倓字竹田南陵人咸豐三年與兄貢生僑弟侄弟俊三次率

勇剿賊繁昌皆以功得六品銜四年十一月賊自繁昌三路犯

南陵倓督勇助知縣城守殺賊數十人於西門中鎗死侄與俊

在牧亭率族團禦賊皆死之牧氏一村二百餘家俱燬戴鈞衡味經館

吳知補字戀闕涇縣人率眾防堵萬級嶺咸豐四年同族弟豐

年戰死祀忠義祠涇縣志

舒之河字雲亭涇縣人捐穀練丁堵禦兩嶺咸豐四年在後岸

殺賊甚多嗣帶勇克復青陽與把總麻仁從九品趙季淦武生

趙耿元團長王萬珠高珮元查占鼇查鼎泰查曉龍等百四十

二人均陣亡又鄭守榮帶勇追賊死之均祀忠義祠是年縣丞

宗沛霖從九翟廷璽在北鄉田方陣亡陳鼇祥等在紀家嶺陣

亡涇縣志

王祥瑞太平人從九品隨向榮剿金陵給六品頂翎咸豐四年

調防油榨溝殺賊陣亡世襲雲騎尉太平縣志

黃鳳字梧岡太平人由供事補貴州清鎮縣典史積功保升知

縣署丹江通判集團擊苗匪解清平縣城圍苗竄凱里鳳同守

備王定臣帶兵馳赴凱里擊敗之苗走陷丹江鳳以失守革職

凱里復被圍鳳困守五月王定臣又被圍於龍頭河鳳馳救陣

亡事聞復原官

賜祭葬祀昭忠祠世襲雲騎尉太平縣志

崔爾芝字瓊仙太平諸生父朝宗官廣西河池州歸甚貧爾芝就弟洲於福建永春州值林俊倡亂陷屬縣爾芝為弟壽守禦并計獲俊父置之獄使書招俊時總督遣師來援爾芝往迓至湖陽為俊所得使作書以易父不可遂被害

恩卹銀兩同治五年蔭雲騎尉太平縣志

杜時升字挹溪太平人以江蘇縣丞募勇隸張芾營剿賊皖南道石景芬愛其勇敢而有紀律乞改隸焉咸豐五年冬攻金柱關陷陣戰歿

贈鑾儀衛經歷世襲雲騎尉太平縣志

馬登明涇縣人咸豐五年在箬阮率勇剿賊陣亡又陳兆荅陳

國柱陳邦佐陳濂陳培陳士鴻陳殿揚率勇剿賊死之俱祀忠

義祠涇縣志

吳楠字石仙涇縣廕生侍郎芳培子剛方果決研究輿圖兵略咸豐三年粵賊南竄楠首先團練四年剿黃柏萬級等嶺援甯國灣汴出防蕪湖魯港燬船殺賊甚多五年堵箬阮援石埭繁昌出防南陵六年由滄溪移守龍門嶺隘時五嶺皆有備賊間道入涇縣陷楠馳回率勇攻復城池奪南門入巷戰至暮手刃四賊力竭傷重死之同死者吳誥曾潘宗星吳儀南周履祥倪家岳倪德星倪家瑞王際陸等數百人楠誥曾宗星均世襲雲騎尉儀南等祀忠義祠涇縣志

戴興壽字南山涇縣人咸豐六年率勇守城同把總李標典史

趙同行從九王道瑞均禦賊陣亡涇縣志

王潤之涇縣人從九品咸豐六年涇縣城陷同邑人汪喜督勇謀復均死之潤之世襲雲騎尉涇縣志

王耀祖涇縣監生咸豐六年同軍功黃伯豐黃伯古武生趙同佳沈國英李日煊先後帶勇剿賊陣亡又胡步雲等守紀家嶺

李雲等守萬級嶺江兆理江巨暖等在三溪章泰林守黃花嶺王德祿等九人在葉家隴州同左權同子蘭芬在晏公嶺監生舒漢章在老灘拔貢查垣帶勇助剿南陵俱陣亡均

旌卹如例涇縣志 兩江忠義錄

左鴻年涇縣人從九品集族堵賊屢勝咸豐六年同胡輝成胡必道胡必鎮在萬級嶺帶勇助剿均陣亡鴻年一門七口迭次

殉難涇縣志周福元涇縣人州同銜咸豐六年備資督勇剿賊被殺一門殉

難涇縣志

包廷榜涇縣人從九品捐資集勇防剿數年咸豐六年在蘇嶺督隊陣亡是年從九吳維祺督勇攻城唐長齡唐俊棧葉際昌

洪天曉汪禳廷江美璋帶勇殺賊訓導胡先炳被執不屈均死之俱世襲雲騎尉涇縣志

朱成漏胡洵林俱涇縣人咸豐六年賊竄涇帶勇防剿力戰死之成漏世襲雲騎尉洵林世襲恩騎尉涇縣志

崔國輝太平人從張芾在徽防咸豐六年祁門陣亡太平縣志方昭文字子章太平廩生舉孝廉方正咸豐中賊據石埭昭文

出資募勇扼守千秋關屢敗賊六年賊由羊棧嶺竄太平境昭文隨知縣歐陽黎照督團新村白沙嶺陣亡事聞照六品官例

賜祭葬世襲雲騎尉是役也勇潰獨孫鍾瑞左右衛護昭文不去同死

之昭文有詩一卷激揚忠義多疏越之音太平縣志

周得朋太平武生備資帶勇三次助復石埭咸豐六年同武生

周百朋周應璋趙奇英從九周秀廷軍功崔上義崔經文崔守

歲崔金爐崔太樓湯繼發隨知縣歐陽黎照在新村陣亡是役

練勇軍功武生周公榜等八十三人崔觀虎崔國財等七人團

丁童生王雪翻等百六十五人并陣亡太平縣志

程瓚瑣太平人從九品咸豐六年偕兄纘榜及從九胡榮祖周

錫廷監生孫必錫暨方殿元胡同楷胡升三黃元花譚傳燦崔

來壽從知縣歐陽黎照督勇堵賊白沙嶺陣亡纘瑣榮祖錫廷

均世襲雲騎尉

太平縣志

戴廷幹南陵武舉拔補太平縣把總咸豐六年賊竄太平縣境

廷幹督剿白沙嶺斬馘甚多賊眾至血戰陣亡

旌卹祠坊南陵縣志 太平縣志

王錦泉字梅溪太平副貢候選教諭倡辦旌太團練助復石埭

咸豐六年擊賊苦竹橋陣亡

贈國子監助教銜世襲雲騎尉長子祥基在廬州擊賊死之同治間

旌卹苦竹橋之役義勇武生王仁軍功杜立成文童王光珍李康杜嘉

謨等三百六十四人并陣亡又監生周松八品軍功周承桃率

同周旦壽等義勇在苦竹橋安仁坊轉戰均陣亡太平縣志

曹澤棠太平人六品軍功咸豐五年率勇助攻石埭六年禦賊

安仁坊與王永忠王明心王光體均陣亡太平縣志

王式金太平人從九品咸豐六年在涇縣後岸帶勇擊賊被執

死一門殉難事聞

旌卹後岸之役從九王祥薇文生王盛亦禦賊陣亡太平縣志

王杖朝字少卿太平歲貢咸豐六年殉難

贈國子監學正銜廕主簿太平縣志

劉調忠旌德人咸豐六年帶勇守黃花嶺賊率大隊來攻忠偕  
呂法琦奮擊少卻賊由間道出嶺後夾攻之均被害生員呂廷  
桂等二十二人均從法琦陣亡調忠

贈六品銜祀昭忠祠廕子八品旌德縣志

趙惟清字直臣太平廩貢訓導署廣德州學正咸豐六年解勇  
餉遇賊被害世襲雲騎尉太平縣志

孫肇元太平武生咸豐六年堵剿白沙嶺陣亡子武生廷魁廷  
柄誓殺賊報仇積功至五品八品咸豐七年在石埭擊賊連破  
數卡陷伏均陣亡太平縣志

鍾茂林南陵人咸豐六年賊犯縣境茂林倡辦團練屢次防剿

七年賊大股至相持月餘隘破同子兆發及團丁五十餘人均  
陣亡南陵縣志

王嘉鑾涇縣監生督團堵隘復助剿克復南陵咸豐七年在雞  
子嶺陣亡涇縣志

王三益王四喜俱涇縣監生咸豐七年在孝思嶺督勇剿賊陣  
亡涇縣志

趙季枝趙同波趙傳芳俱涇縣人督辦團練咸豐七年賊至被  
執死是年呂貞祥周藍文定營等在萬級嶺王觀寶等在紀家  
嶺俱力戰死涇縣志

劉國厚王桂馨俱太平人咸豐七年帶勇防堵國厚在黃柏嶺  
桂馨在洪林橋均陣亡太平縣志

魯得仁宣城人咸豐八年督團剿賊被害祀昭忠祠軍功姚林

章徐家茂劉文璧團丁張正全張星順等俱陣亡又軍功張伸亦於是年督勇戰歿

宣城縣志 兩江忠義錄

王學舉涇縣人備資督團同曹福元帶勇在藍山嶺助剿陣亡均世襲雲騎尉又咸豐八年布經趙廷基守縣東城馬先芳在雲嶺率勇剿賊俱死之祀忠義祠

涇縣志

潘獻壽涇縣人任廣東龍川典史捐廉助賑後改江蘇雷揚州差委咸豐八年揚城陷死之世襲雲騎尉

涇縣志

曹福眉涇縣人一門三十餘口殉難惟福眉之孫廷槐存世襲雲騎尉

涇縣志

王彰信太平人以助復石埭及守嶺功保五品咸豐八年隨官軍堵禦泥田嶺陣亡

太平縣志

蘇至巧太平人八品軍功咸豐八年帶勇守嶺禦賊殉難又王

光誠防道馬嶺陣亡

太平縣志

杜煒太平人布理問咸豐初捐勇守城兩月八年在泥田嶺堵剿陣亡事聞

旌

卹 太平縣志

李獲功太平監生在建德葛公鎮捐勇五百餘人堵禦境賴以安咸豐八年追賊至東流張經鎮力戰兩晝夜僅存二十餘人同赴水死

太平縣志

王通太平人從九品咸豐八年在紅楊樹率勇禦賊中礮死祀忠義祠

太平縣志

崔億祥太平人積功保外委咸豐八年管帶知方軍在石埭陣亡

太平縣志

吳振聲宣城人六品軍功咸豐九年督勇拒賊西門鐵橋灘力

竭陣亡

兩江忠義錄

羅福振太平人都司管帶果毅軍咸豐九年同管帶知方軍守備羅澧把總周旦傑千總羅亨灼外委胡凍軍功五品周斌胡萬春羅福林羅學煒六品羅福綏羅福有羅福延羅運懷章觀信孫飛熊孫繼榮均在石埭陣亡羅澧世襲雲騎尉

太平縣志

王施普太平增生咸豐九年率眾禦賊仙石亭陣亡又是年王運興守萬級嶺陣亡

太平縣志

旌卹

是年附貢盛濬源附生盛顏均禦賊死之

太平縣志

王樹勳太平監生咸豐九年督勇禦賊陣亡嗣於同治二年

包燃乙涇縣庠生咸豐六年帶勇擊賊青陽九年賊踞涇縣同子耿光守義均絕食死

旌卹如例

涇縣志

翟金聲字西園涇縣人附監生倡聯二十七姓團練堵賊咸豐九年全家殉難於同治七年

旌卹

涇縣志

翟世煒字子蓮涇縣人倡團殺賊保衛地方咸豐九年禦賊殉

難祀忠義祠

涇縣志

李湧泉涇縣監生咸豐九年同李茂生李士高李家齊帶勇防堵高嶺陣亡

旌卹

如例是年胡道坤貢生唐大生在紀家嶺趙宗杖趙巨航在古北

冲口軍功陳建勳九品陳標徐百川陳士楨在藍山嶺並帶勇防剿陣亡

涇縣志

朱標南陵諸生舉孝廉方正咸豐九年率勇禦賊受傷死弟大受五品軍功灼縣學生子沛膏均以帶勇陣亡又吳華章隨標

重修家範通志 卷一百一  
為團長於十年殉難兩江忠義錄

俞廷黼宣城人從九品咸豐初灣沚鎮倡辦團練保五品奉調竹塘營隨剿西河及涇縣等處十年八月營潰至南湖死之宣城志

朱楨幹宣城監生咸豐六年賊由涇撲大營督團拒守保五品十年府城陷被執不屈死宣城志

張鳴皋宣城武舉任建平把總咸豐十年三月髮逆撲建平城登陴固守力竭城陷巷戰陣亡建平县志

顧治宣城監生咸豐十年同軍功傅必發袁昭督團攻上灣賊卡均陣亡是年軍功潘洪孝苟慶樸林克勝林克平及姚正粹姚光浩王國全七人同義勇羅福海等十四人在雙橋任其禮等十七人在計家橋徐貞祿等十九人及楊恩雙陳召禮二人

團丁吳振柏等十五人在高橋坊軍功馮興福陳文元張銘家等二十九人在高山等處范懋道在瑯山口俱陣亡宣城志

華星五宣城庠生咸豐十年帶勇攻踞城賊力竭死闔門入口殉難照外委議卹並專祠專坊是年姚邦基糾眾拒賊洪林鋪眾潰同兄邦淮死之宣城志

陳光佑宣城人咸豐十年賊至一門殉難又訓導苟崇德家屬四口俱死並

旌建專祠專坊是年施允慶施如集亦闔門死難宣城志

張敏宣城人府學生以倡首辦公保訓導咸豐十年殉難廕雲騎尉宣城志

耿驥宣城武生候選衛千總咸豐三年檄辦甯國五城團練十年城陷巷戰陣亡兄杰諸生嘗捐軍餉萬金弟鳳猷諸生舉孝



廉方正均遇賊不屈死兩江忠義錄

楊敬龍宣城人外委管帶團山勇禦賊紅楊樹灣泚等處屢有

斬馘咸豐十年城陷死之是年八品軍功馮炯良在烏溪六品

軍功馮家標在石塘梅良禾在青弋江王國全在淇林橋六品

軍功汪宏信在周橋六品軍功秦向正在季家橋貢生屠澐在

北鄉破圩及監生施德華同弟宗修歲貢張浩諸生後浴五品

軍功後起讓俱率眾禦賊陣亡兩江忠義錄

鄭艾林涇縣人候選教諭以督團助餉加州同銜咸豐十年城

陷巷戰死之妻薛自經世襲雲騎尉族子鄭寅曙鄭丹桂同守

城死涇縣志

王元意涇縣人嘗約壯勇殺賊復城武舉卞文斌武生鍾永清

嘗捐貲募勇監生鄭國樑屢督勇殺賊并捐田多畝為忠義祠

費江宗連嘗勸捐辦團潘文儒嘗入山集勇均於咸豐十年城

陷殉難涇縣志

張鍾英涇縣廩生咸豐十年督勇守城及陷全家殉難涇縣志

翟廷杰涇縣人咸豐十年率團堵賊全家殉難涇縣志

鄭珪齡涇縣人從九品咸豐十年督勇剿賊陣亡一家殉難於

同治八年

旌卹又增生鄭懷瀛佾生鄭觀瀾闔門殉難布理問張承清一家七口

殉難涇縣志

吳履端字建卿涇縣人一家殉難祀忠義祠世襲雲騎尉涇縣志

吳惇五涇縣人候選同知咸豐十年督團堵賊遇害祀忠義祠

世襲雲騎尉涇縣志

吳嘉言涇縣拔貢輸資辦團咸豐十年殉難

旌卹如例涇縣志

吳慕曾涇縣舉人咸豐十年同陳炎帶勇剿賊陣亡吳枚吳嘉謨吳超曾吳振飛均被執不屈死俱世襲雲騎尉涇縣志

吳欣曾涇縣舉人官山西知縣丁憂歸咸豐十年同弟監生省曾集團禦賊被害兩江忠義錄

董良澍涇縣人捐貲練勇防堵多年咸豐十年遇害尋於同治三年

旌卹涇縣志

董學舒涇縣庠生帶勇剿賊陣亡祀忠義祠涇縣志

葛國社涇縣人道光己酉出穀二百石賑水災咸豐十年在章家渡力戰陣亡是年副貢朱廷珮及朱元愷在黃村卜志益在崑山趙文離在丁溪縣丞文北斗查子文監生王瑞庭在太平

岡軍功查光炳在灣沚皆接仗陣亡涇縣志  
朱宗怵涇縣監生六品職銜咸豐年間同弟齋奏官朱宗志等募勇禦賊十年髮賊竄陷縣城宗怵宗志率本姓團丁守禦防剿均各陣亡文生朱廷銓復起圍殺賊捐軀闔門七十一人均死之同治十一年

旌卹專祠專坊黃鉅奏案

趙同鏗涇縣監生捐資募勇同監生趙汝舟督防丁溪陣亡涇縣志

王國賓涇縣武生咸豐十年帶勇禦賊眾潰殉難涇縣志

汪廷槐涇縣人咸豐十年同子從九善贊督勇剿賊陣亡涇縣志

趙瑛州同銜趙鼎元布理問俱涇縣人嘗捐資募勇防堵咸豐十年督勇剿賊同遇害均同治五年

旌卹是年潘周仁萬倫玉查汝羹及子查梓林孫查朝宗並喋血殺賊

而死涇縣志

胡澤順涇縣人候選訓導嘗助軍餉三千餘金咸豐十年賊至格鬪死於同治元年

旌建祠坊世襲雲騎尉涇縣志

沈眾字萃三以率勇剿賊保六品朱杲字顏卿廩生並涇縣人均於咸豐十年城陷殉難於同治四年

旌卹涇縣志

童杞涇縣庠生屢督團殺賊及城陷不食死

旌卹如例涇縣志

潘青雲涇縣監生捐募團勇屢勝咸豐十年萬級嶺失守聚三千人伏村口襲賊被圍中數十刃死涇縣志

江宗靠涇縣監生咸豐三年督團禦賊捐資助餉十年賊至被執死涇縣志

江宗松江巨視江巨福江巨定俱涇縣人咸豐十年均各全家殉難又江兆雙辦團勸捐有年是歲同子巨瑤姪巨政巨歡闔門七人殉難涇縣志

董愛珍涇縣人咸豐十年率勇剿賊下坊鎮陣亡祀忠義祠涇縣志

吳光瑞涇縣人候選理問嘗捐資助募勇助官軍克復縣城咸豐十年敗歿於銅山是年從九許聖中守城殉難胡世滋同子欽祖俱禦賊敗死兩江忠義錄

鍾滿琪涇縣人粵匪竄涇滿琪振臂一呼從者百人殺賊數十受傷而死又程文光捐資助餉督勇防堵城陷殉難涇縣志

劉純熙字敬亭旌德庠生咸豐十年賊踞城脅民進財物熙曰  
不與賊必至與之盡亦必至不如擊之率團攻城眾潰被執死  
祀昭忠祠世襲雲騎尉劉守濟等三十八人皆從純熙力戰陣  
亡旌德縣志

喻元白旌德人咸豐十年賊踞城元白與饒爾儀帶勇攻剿斬  
馘甚多賊詐稱官軍襲之均力戰遇害喻一社等百三十六人  
並從喻元白陣亡賊亦旋遯旌德縣志

方廣旌德人從九品咸豐十年集勇二千人擊賊南門外賊少  
卻分股襲廣後力戰死汪士堅等九人從廣陣亡旌德縣志

任廷彬旌德監生以帶勇駐防石埭給六品頂戴咸豐十年賊  
踞城廷彬率勇攻之遇害旌德縣志

呂慰曾字帶波旌德人咸豐十年賊踞城擾孫村慰曾集勇四

百往救殺數十賊賊遯旋復至請援未到被執死旌德縣志

汪慶雲字自菴旌德副貢咸豐十年賊擾西鄉雲帶勇連敗之

大股至力竭遇害汪子慎等九人均從戰死旌德縣志

汪應寵字錫三旌德舉人咸豐十年同候選布理問汪應實剿  
賊殉難俱

旌卹銀兩祀昭忠祠旌德縣志

王範成字隲堂旌德廩生集鄉人擊賊殺傷甚多大股至被執  
不屈死旌德縣志

張善煩旌德人九品銜咸豐十年備資團練一家殉難旌德縣志

呂賢增旌德人縣丞銜咸豐十年同理問朱德偉江采荇從九

品王丙時譚守基方偉文王希名生員江心豫呂喬齡劉蔚章

劉嘉泉劉寅清朱鈞從九品呂汝荀張濤汪淑劉鑑忠劉崇忠

劉習績劉義泰朱則諫朱德材朱懋寵呂諧聲王峒坡監生葉錦雲呂賢因譚師古宋定元劉篤祺劉象忠劉璽林劉曜忠劉習后劉文培劉習監朱家職朱德冠朱家箴朱家同張元柳曹德成周禮周錦姚學俊呂烈蔭呂文秀程家恩呂偉倫呂偉金千總朱懋功汪國幹八品朱則鸚朱果先後帶練殉難旌德縣志呂廷彩旌德人州同銜同從九品王雲波王德淦文童呂慰曾俱禦賊陣亡於同治十一年

旌卹祠坊

黃鉅奏案

呂祥彩汪照喜陳顯良俱旌德人咸豐十年在浙江長興縣陣亡於同治八年

旌卹坊祠

浙江奏案

汪恆旌德舉人官銅陵訓導咸豐七年水師克復縣城委辦團

練十年城陷一門九人殉難又汪時盛一門殉難三十二人兩江忠義錄

任本灼旌德人八品銜咸豐十年同從兄本泉率族禦賊歡喜嶺擒殺八人賊大至不敵退戰觀音橋俱陣亡從弟俊祥等十六人從死兩江忠義錄

王天佑字申甫太平人從九品辦理涇太團練咸豐十年同文童王銓業王秉清王長生在新豐剿賊陣亡又監生王宏倬同子廷樞廷科在新豐被執不屈遇害均同治開

旌卹

天佑世襲雲騎尉太平縣志

崔維城崔榮芬俱太平人從九品咸豐十年堵剿仰山橋均中創死監生崔國衡殉之歲貢崔森鄉導援師亦死之太平縣志王國棟太平人候選縣丞咸豐十年同候選縣丞王東陽附貢

崔國玖從九項安樂先後帶勇禦賊殉難均同治年間

旌卹太平縣志

崔有恆太平人積功保八品咸豐十年同趙壽山王學誠周松

胡漸矛八品崔祥謙監生劉開頌先後督勇禦賊陣亡太平縣志

崔烜字慎齋太平庠生以辦團保訓導咸豐十年在譚家橋擊

賊陣亡

贈國子監學錄銜世襲雲騎尉太平縣志

劉會一太平舉人前贛榆訓導趙惟寅太平廩貢前六安學正

咸豐十年同歲貢劉世圻附生劉豹文督勇剿賊與劉肇勸劉

肇勸均陣亡事聞

旌卹會一惟寅均世襲雲騎尉太平縣志

崔文欽字敬安太平人歷署福建侯官巡檢上杭縣丞廉敏有

聲回籍辦團保升經歷咸豐十年賊犯章村文欽帶勇截戰中  
創傷重旋死事聞

旌卹太平縣志

崔鶴林太平人五品外委咸豐十年同從九崔金錄在章村率

勇禦賊均陣亡太平縣志

王肇宗太平武生襄辦涇太團練屢立戰功咸豐十年賊至扼

吭死太平縣志

蘇望眉太平人以督勇守隘保六品咸豐十年剿賊陣亡太平縣志

項允文太平文生成豐十年縣城陷集勇規復剿賊陣亡太平縣志

黃元珍太平監生成豐十年同文生譚淦崔鹿萃崔國器崔彭

壽監生劉啟華劉太亭民人崔有文孫文題先後集團禦賊被

害太平縣志

王敬典字慎齋太平副貢教諭捐資倡團咸豐十年同舉人王際雲文童王超元軍功王文濬在後岸督勇陣亡又文生王逢春在萬級嶺中鎗陣亡

太平縣志

王新棟太平人道光己酉咸豐丁巳兩次平糶拯饑庚申率勇殺賊陣亡

太平縣志

方鴻太平武生都司銜少孤母項守節撫之咸豐十年合門殉難又附生崔曜奎孫夢麟監生穆兆麟方三從九穆兆鳴穆守漢杜為名崔維賢方六一崔夢梓俱一門殉難均同治閒

旌卹方

鴻世襲雲騎尉崔曜奎廕雲騎尉

太平縣志

王宏富太平人嘗捐田百餘畝及屋宇山地為族中文會之用咸豐十年一門殉難是年崔鳴興崔鳴羅一門三十餘口同時殉難又附貢鄭琳增生王鴻才監生王佩球王佩玖從九崔春

榮崔驤崔國杰孫棟梁譚應侯孫咸康民人王光全王山壽項大發焦良鴻方定邦張國洪崔志濤崔桂壽崔鴻發崔國珣崔培鳴崔沐生陳本鑑崔德滋張進海王文德王宏川譚全有周鳴諧一門殉難

太平縣志

王惠元太平人咸豐十年與母妻嫂姪等一門十七口殉難

太平縣志

王燃黎太平文生自軍興卽首創保衛聯絡二十七姓團練籌防督勇數年不懈咸豐十年剿賊死先後禦賊殉難者又有舉

人杜維崧監生胡雲章從九張文翰譚鵬飛

太平縣志

崔集賢太平人以備資練勇功保縣丞咸豐十年同弟外委崔葉祥崔鑄祥及千總汪九齡援徽州府均陣亡

太平縣志

王宏炳太平庠生同弟附貢生士升軍功際盛售田備資募勇

駐守萬級嶺屢次堵剿咸豐十年帶勇隨官軍紮老灘為賊所襲被害太平縣志

崔敬字潤澤太平人六品軍功咸豐十年同伯父監生華實及監生張傳祖外委方維魁帶勇禦賊殉難又庠生崔敬字璧文曾率團從官軍剿賊於崇覺寺者後亦殉難太平縣志

劉汪林太平人咸豐十年同項德通項進發項天球葉永源設酒食金帛給賊截殺十數人旋皆被害太平縣志

王祥符太平人同弟祥琉屢立戰功保五品翎頂咸豐十年防堵衢州同軍功六品王大梁八品王如剛均陣亡太平縣志

汪驥旌德人把總咸豐十年在廣德陣亡祀昭忠祠世襲雲騎尉旌德縣志

孫瑞齡字紀堂太平人曹州府同知以省墓假歸道梗寓鄒縣

倡辦團練咸豐十年率勇剿擒陣亡

贈道銜世襲雲騎尉太平縣志

汪應濤字松舟旌德人貴州府經歷咸豐八年在思南擒斬苗匪以功升直隸州知州調四川剿白號匪大小百餘戰皆捷十年殉難秀山

恩卹銀兩世襲雲騎尉祀昭忠祠旌德縣志

潘維新涇縣人江西樂安縣典史咸豐閒樂安城陷一門殉難世襲雲騎尉涇縣志

邱鴻源涇縣人咸豐年閒帶勇立功績溪嗣剿賊北鄉陣亡涇縣志

左履鼇字海山涇縣舉人選建德教諭訓迪諸生文行交飭雪生員十餘人冤悉開復之截取浙江知縣賊竄杭州履鼇守湧



金門城陷殉難

贈知府銜祀昭忠祠世襲雲騎尉涇縣志

潘翊藩涇縣人江蘇知縣咸豐十年在丹陽縣辦理糧臺禦賊

殉難世襲雲騎尉涇縣志

胡堯戴字蔭庭涇縣人官上虞知縣修城儲糧募勇防守咸豐

十一年率勇擊賊陣亡

贈太僕寺卿世襲雲騎尉是年潘繼恩潘時敬並以守涇城殉難世襲

雲騎尉涇縣志

蘇麟閣太平監生咸豐十年在長陔死難閩浙總督奏准祀昭

忠祠廕雲騎尉太平縣志

葛學普宣城人咸豐十一年督勇擊賊狸頭橋毀其望臺賊廢

至手殺數人被執死是年丁中起在橫壘橋及監生張仲友張

仁武俱以率眾禦賊被殺兩江忠義錄

胡坤涇縣人咸豐初同王良意率勇擊賊賞五品軍功十一年

陣亡又監生王少清嘗襄辦團練於是年全家殉難兩江忠義錄

周文吉字靄庭甯國諸生篤學好施歲施衣棺遇荒平糶獨力

捐辦西鄉保衛局咸豐十一年殉難甯國團練皆人自為戰其

殺賊陣亡可考者有胡乃定饒道士饒三久許新葛啟義周啟

純周垂勅周裕泰周遵滂甯國縣志

王鳳翔五品軍功程文英六品武生俱太平人嘗督勇守隘咸

豐十一年同千總王明思在黟縣陣亡太平縣志

黃爾潔太平人咸豐十一年同弟爾鐸帶勇堵賊湯口被執死

太平縣志

周履祥太平人咸豐十一年率勇駐箬嶺隨官軍進攻賊卡戰

歿太平縣志

焦履祥太平監生成豐初隨歐陽黎照復石埭十一年同監生

焦履亨闔門殉難太平縣志

張承迪太平監生成豐十一年帶勇剿賊與弟康喜子本立均

被害太平縣志

呂振聲旌德庠生成豐十一年同庠生方懋彩州同呂偉鉅從

九品曹昱亮呂耀武呂烈芙許摺笏監生朱則波呂文寶呂偉

恭呂偉桂理問朱守振帶練殉難旌德縣志

陳殿鑾宣城人候選主簿倡辦團練屢獲勝仗咸豐十一年在

黃鎮督團禦賊被害宣城縣志

左錦隆左添沛並涇縣人兄弟有勇略久集團練防堵丁溪咸

豐十一年錦隆中礮死添沛督勇進戰迭勝重傷觸石死均世

龔雲騎尉建專祠是役也諸生趙丙炎趙嗣忭監生左作舟並

陣亡祀忠義祠涇縣志

趙瀛字虎文涇縣人副貢生督勇堵賊咸豐十一年同子庠生

守和遇害又舉人教諭吳駿材督勇禦賊同子報春報命遇害

又州同曹學文諸生曹良善並被執不屈各與妻同死俱祀忠

義祠世龔雲騎尉涇縣志

呂祥齡涇縣監生成豐十一年賊竄銅山帶勇堵剿陣亡一門

七口殉之同治年

旌卹涇縣志

沈榮恩涇縣人浙江從九品咸豐十一年杭城陷隨將軍瑞昌

滿營陣亡世龔雲騎尉涇縣志

李宣葵宣城人浙江杭州府稅課大使咸豐十一年杭城陷死

重修安徽通志 卷二百一  
之於同治六年

卹銀坊祠世襲雲騎尉又旌德人胡福義葉叶春江某程某均於是年  
在長興禦賊陣亡

旌卹坊祠

浙江  
奏案

崔夢梧字秋卿太平舉人歷任縉雲桐鄉知縣有聲咸豐中檄  
辦皖南軍務旋任浙江松陽縣創建書院咸豐十一年委巡杭  
城殉難事聞

旌卹

太平  
縣志

王德駿涇縣人署正安州咸豐十一年城陷與子從九良輔死  
之是年州同李慶恩在高嶺陣亡涇縣志  
包紀雲字瑞廷涇縣廩生嘗督勇擊賊青陽咸豐十一年攻包  
村賊卡斷臂同治元年乃死鮑超咨奏

旌卹

涇縣  
志

王樹德宣城人五品軍功同治元年在竹塘督團禦賊被執死  
是年貢生陳桂芳在灣汴八品軍功陳康在新河莊六品軍功  
陳及鋒八品軍功陳錦江議敘八品徐允梧俱在金寶圩率勇  
拒賊死之宣城志

丁翥宣城人候選訓導創辦金寶圩團練屢挫賊鋒斬獲無算  
以積勞成疾卒同治元年賊竄水陽候選按照磨袁澄帶勇日  
夜攻擊會候選訓導魏珍助剿殺賊及淹斃者不可計數賊酋  
李世賢復糾眾來攻十二月圩破澄與珍及襄辦團務唐及紳  
唐文炳等均死之圩中殉難者近八九萬人翥公正和平慮事  
詳慎尤為圩人所推服故當皖南糜爛之際獨能以一圩撐支  
賊中歷十年而後敗皆翥為之倡也先是有諸生王蘭監生陳

汪六品軍功阮璘嘗帶勇殺賊亦同時殉難兩江忠義錄

湯寅清宣城增生同治元年在華陽山率勇禦賊被執不屈死

又諸生劉啟林從九陳勳俱帶勇陣亡兩江忠義錄

劉漢川宣城人候選主簿同治元年帶勇扼賊鰲魚背不敵赴

水死從九劉聚源外委劉彥榕監生劉繼志同時陣亡兩江忠義錄

章休臻字瑞圃涇縣人倡議團練督勇守隘同治元年入山招

勇遇賊被害又汪紹文趙昇元均帶勇陣亡休臻紹俱

旌卹如例涇縣志 兩江忠義錄

吳鍾準涇縣人候選內閣中書同治元年與廩生吳宗起吳守

然督勇殺賊陣亡均祀忠義祠世襲雲騎尉涇縣志

劉青照旌德庠生同治元年同庠生劉其仁監生劉上元外委

朱德榮帶練殉難旌德縣志

王繩武太平附生同治元年在金寶圩隨官軍剿賊陣亡太平縣志

谷開元太平縣人僑居和州同治元年髮賊竄和隨眾保衛州

城與其子同死之和州志

崔國太太平人軍功五品同治元年帶仙勇護勇收復太平縣

城後賊回竄接仗陣亡太平縣志

項雲衢太平人從九品同治元年在湖北隨州毅桓營陣亡從

優議卹太平縣志

方景星太平監生嘗賑難民並收埋尸骸七百餘具同治元年

一門殉難太平縣志

朱棟梁涇縣監生咸豐十一年同朱文炳備資團勇駐防漕溪

壩同治二年隨官軍攻城陣亡兩江忠義錄

崔鼎彝太平人知府銜布經歷隨父迪南道崔紹中行營陣亡

世襲雲騎尉太平縣志

劉遇乙旌德庠生同治二年同從九劉祥兆劉聚寶監生劉孝

銓帶練殉難旌德縣志

胡福廣太平人同治二年督勇禦賊黃嶺與鄭貴成均死之太平縣志

縣志

李廷波太平人同治二年與弟廷輔全家殉難太平縣志

王文烈字紹謨太平貢生建平教諭粵賊圍城同知縣堵禦

傷死太平縣志

焦均照字燮堂太平人官甘肅平涼典史同治二年回匪圍城

均照率民兵堅守七月無援城陷被害祀平涼昭忠祠世襲雲

騎尉太平縣志

陳承先涇縣人候選按照磨同治二年辦團隨剿陣亡世襲雲

騎尉又趙鴻章迭次帶勇身受重傷是年在甯國縣陣亡涇縣志

胡心慰宣城人從九品嘗率勇在洪林橋助剿後勇散避居建

平賊至不食死兩江忠義錄

查守誠字篤軒涇縣人副貢幫辦團練捐餉銀二千兩練費錢

六千緡後在西鄉剿賊陣亡世襲雲騎尉涇縣志

馬益臧字魯卿涇縣人道光丁未進士官安慶府教授回籍督

辦團練在芭蕉嶺被害世襲雲騎尉涇縣志

朱卓成涇縣人湖南州吏目在籍帶勇遇害祀昭忠祠世襲雲

騎尉涇縣志

崔雲煥字受軒太平舉人粵賊犯境嘗練勇隨官軍堵禦後任

來安教諭城陷殉難事聞

旌  
卹太平縣志

崔華太平人浙江縣丞在蘭溪防堵陣亡太平縣志

崔崧太平人崔船之子四川候補未入流同治三年在安定營

陣亡太平縣志

沈士瀛涇縣人官清溪知縣城陷同其孫沈鶴齡死之

敕建專祠廕卹如例涇縣志

張廷楨王三喜俱涇縣人以功保把總同治五年在湖北陣亡

均世襲雲騎尉涇縣志

吳作邦涇縣人湖北巡檢緝盜梁子湖覆舟死

贈主簿銜廕子入監涇縣志

包聰敬鍾玉鳳俱涇縣人督隊陣亡祀忠義祠涇縣志

李道聘李明新李光遠李進生涇縣人俱率勇殺賊陣亡涇縣志

陳兆應涇縣人府經歷帶勇剿賊雲嶺村力竭投井死又監生

徐楠在黃柏嶺監生李增光在高嶺俱帶勇剿賊陣亡涇縣志

朱春泉涇縣庠生同監生朱一濱從九王蕘圃王森桂及吳駿

烈萬日新安甫李百修徐含華徐守清徐芳關徐金山徐廷

松王登瀛俱一門殉難涇縣志

李道行涇縣人從九品同鄭問曉先後率勇禦賊陣亡

旌卹如例涇縣志

陳朝宗涇縣人從九品率勇擊賊陣亡涇縣志

譚得勝太平人積功保守備加都司銜同治六年在湖北剿捻

陣亡太平縣志

項干祥太平人坐樓上賊至索金祥曰金藏樓簷攀檻可得

賊步虛摸金祥推之并墜樓死太平縣志

胡自盛太平監生同監生胡自達民人胡家遞胡家賓胡家救

胡家昌胡家懷胡發寶胡興祖胡慶福胡慶言胡家長胡家田  
胡成寶胡家來胡家玉胡慶理胡慶元胡家喜胡家增胡慶魁  
胡慶忠胡家理胡家發胡慶玉胡慶萬胡家富胡家琴胡慶全  
胡慶陽胡慶興胡慶華胡慶海胡河生胡忠林胡自州胡自全  
胡自富胡金寶胡家天胡麻富胡義麟胡發美胡慶高胡慶閣  
胡國祥胡慶夏胡慶成胡慶發胡二喜胡少妹胡雲高胡洪嵩  
胡麻成胡新發胡新春胡天林胡田發胡萬祖胡家明胡家赫  
胡家武胡家林胡雷升胡華顏胡慶容胡五萬胡自公胡自箭  
胡自磨胡家添方征德潘義潘祿壽潘光祖程長保程元喜程  
天美俱禦賊陣亡於同治十一年

旌

卹祠坊

黃鉦  
奏案

